

II

2022

DRUGE DOPUNE

**PRIRUČNIKA
O POREZIMA I DOPRINOSIMA**

SADRŽAJ

BOSNA I HERCEGOVINA

1. Zakon o akcizama u Bosni i Hercegovini 5
2. Pravilnik o izmjenama Pravilnika o primjeni Zakona o porezu na dodanu vrijednost . . 18

FEDERACIJA BiH

1. Pravilnik o dopunama Pravilnika o primjeni Zakona o porezu na dohodak 23
2. Izvod iz Uredbe o pomoći stanovništvu usljed rasta indeksa potrošačkih cijena . . . 24

KANTON SARAJEVO

1. Odluka o visini komunalnih taksi Općine Novi Grad Sarajevo 25

TUZLANSKI KANTON

1. Odluka o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona 33
2. Izvod iz Zakona o šumama 36
3. Uputstvo o stavljanju van snage Uputstva o postupku obrade zahtjeva za povrat isplaćene naknade plate za vrijeme privremene spriječenosti za rad 38

SREDNJOBOSANSKI KANTON

1. Pravilnik o načinu i postupku ostvarivanja prava na naknadu plaće za vrijeme privremene spriječenosti za rad osiguranika Zavoda za zdravstveno osiguranje Srednjobosanskog kantona 39

REPUBLIKA SRPSKA

1. Zakon o izmjeni Zakona o porezu na dohodak 43
2. Zakon o izmjeni i dopunama Zakona o doprinosima 44
3. Pravilnik o sadržaju pismenog obračuna plate 45
4. Pravilnik o izmjenama Pravilnika o ostvarivanju prava na naknadu plate za vrijeme privremene nesposobnosti za rad 48

BRČKO DISTRIKT BOSNE I HERCEGOVINE

1. Zakon o izmjenama i dopuni Zakona o porezu na dohodak 49
2. Izvod iz Zakona o igrama na sreću Brčko distrikta BiH 50
3. Odluka o najvišem i najnižem iznosu naknade plate 51

PROPISI O UPLATNIM RAČUNIMA JAVNIH PRIHODA

1. Pravilnik o izmjenama Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine 52
2. Pravilnik o izmjenama Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine 53

STATISTIČKI PODACI

1. Pregled iznosa prosječne bruto i neto plate i drugih naknada za 2022. godinu u Federaciji BiH 54
2. Usporedni pregled prosječne bruto i neto plate u Federaciji BiH, Republici Srpskoj, Bosni i Hercegovini i Brčko distriktu BiH 55

Druge izmjene obuhvatile su propise iz oblasti poreza i doprinosa koji su objavljeni u službenim glasilima zaključno:

- “Službene novine FBiH”, broj 84, od 21. oktobra 2022. godine
- “Službeni glasnik RS”, broj 104, od 25. oktobra 2022. godine
- “Službeni glasnik BDBiH”, broj 35, od 17. oktobra 2022. godine
- “Službeni glasnik BiH”, broj 70, od 21. oktobra 2022. godine
- “Službene novine KS”, broj 42, od 20. oktobra 2022. godine
- “Službene novine ZDK”, broj 19, od 19. oktobra 2022. godine
- “Službene novine TK”, broj 17, od 7. oktobra 2022. godine
- “Službene novine SBK”, broj 9, od 10. oktobra 2022. godine
- “Službeni glasnik USK”, broj 30, od 19. oktobra 2022. godine
- “Službene novine BPKG”, broj 8, od 16. septembra 2022. godine
- “Službene novine HNK”, broj 9, od 6. oktobra 2022. godine
- “Narodne novine ŽP”, broj 15, od 27. septembra 2022. godine
- “Narodne novine HBŽ”, broj 11, od 17. oktobra 2022. godine
- “Narodne novine ŽZH”, broj 28, od 5. oktobra 2022. godine

Sarajevo, oktobar 2022. godine

BOSNA I HERCEGOVINA

ZAKON O AKCIZAMA U BOSNI I HERCEGOVINI*

(“Službeni glasnik BiH”, br. 49/09, 49/14, 60/14, 91/17 i 50/22)

DIO PRVI - OSNOVNE ODREDBE

Član 1.

(Predmet)

(1) Ovim zakonom uređuje se oporezivanje prometa i/ili uvoza određenih vrsta proizvoda (u daljnjem tekstu: akcizni proizvodi) na teritoriji Bosne i Hercegovine posebnim oblikom poreza - akcizom.

(2) Odredbe ovog zakona primjenjuju se i na putarinu.

Član 2.

(Uplata i raspodjela)

(1) Prihodi po osnovu akciza i putarina uplaćuju se na Jedinствeni račun Uprave za indirektno oporezivanje BiH, a njihova raspodjela vrši se u skladu sa Zakonom o uplatama na jedinstveni račun i raspodjeli prihoda (“Službeni glasnik BiH”, br. 55/04 i 34/07).

(2) Naplaćeni prihodi od putarine u iznosu 0,25 KM za izgradnju autoputeva i izgradnju i rekonstrukciju drugih puteva vode se na posebnom podračunu otvorenom kod Centralne banke Bosne i Hercegovine, a ti prihodi bit će raspodjeljivani u skladu sa Zakonom o uplatama na Jedinствeni račun i raspodjeli prihoda (izmjena 91/17).

Član 3.

(Pojmovi)

Pojmovi korišteni u ovom zakonu imaju sljedeće značenje:

a) pravno lice - svako pravno lice koje je, u skladu s važećim propisima, registrirano za proizvodnju, uvoz i/ili promet akciznih proizvoda iz člana 4. ovog zakona;

b) preduzetnik - svako fizičko lice koje je kod nadležnog organa registrirano za proizvodnju i/ili promet akciznih proizvoda iz člana 4. ovog zakona;

c) građanin-proizvođač - fizičko lice koje ima prebivalište u Bosni i Hercegovini, a bavi se proizvodnjom akciznih proizvoda;

d) UIO - Uprava za indirektno oporezivanje;

e) Upravni odbor - Upravni odbor UIO uspostavljen Zakonom o sistemu indirektnog oporezivanja u Bosni i Hercegovini (“Službeni glasnik BiH”, br. 44/03, 52/04 i 34/07).

* Zakon je objavljen u “Službenom glasniku BiH”, broj 49/09 od 22. juna 2009. godine, stupio je na snagu 30. juna 2009. godine, a primjenjuje se od 1. jula 2009. godine. Izmjene i dopune Zakona su objavljene u “Službenom glasniku BiH”, broj 49/14 od 24. juna 2014. godine, stupile su na snagu 2. jula 2014. godine, a primjenjuju se od 1. avgusta 2014. godine, 60/14 od 4. avgusta 2014. godine, stupile su na snagu 12. avgusta 2014. godine, a primjenjuju se od 1. septembra 2014. godine, 91/17 od 26. decembra 2017. godine, stupile su na snagu 3. januara 2018. godine, a primjenjuju se od 1. februara 2018. godine i 50/22 od 29. jula 2022. godine, stupile su na snagu 6. avgusta 2022. godine, a počinju se primjenjivati danom stupanja na snagu Pravilnika o primjeni Zakona o akcizama u Bosni i Hercegovini donesenog u skladu s članom 4. ovog zakona. Radi lakšeg prepoznavanja šta je u izmjenama i dopunama Zakona promijenjeno, tekst izmjena i dopuna odštampan je masnim slovima u svim izmijenjenim članovima.

DIO DRUGI - AKCIZA
POGLAVLJE I. PREDMET OPOREZIVANJA

Član 4.

(Akcizni proizvodi)

(1) Predmet oporezivanja je promet akciznih proizvoda koji su proizvedeni u Bosni i Hercegovini kada proizvođač prvi put njima prometuje i/ili uvoz akciznih proizvoda u Bosnu i Hercegovinu (u daljnjem tekstu: BiH).

(2) Akciznim proizvodima, u smislu stava (1) ovog člana, smatraju se:

- a) naftni derivati;
- b) duhanske prerađevine;
- c) bezalkoholna pića;
- d) alkohol, alkoholna pića i voćna prirodna rakija;
- e) pivo i vino;
- f) kafa;
- g) **biogoriva i biotečnosti** (*izmjena 91/17*).

Član 5.

(Naftni derivati)

Naftnim derivatima, u smislu člana 4. stav (2) tačka a) ovog zakona, smatraju se:

- a) motorni benzini, uključujući i bezolovni, nezavisno od oktanske vrijednosti i komercijalnog naziva;
- b) dizel goriva i ostala plinska ulja;
- c) petrolej (kerozin);
- d) lož-ulje ekstra lako i lako specijalno (EL i LS);
- e) **tečni naftni plin za pogon motornih vozila** (*izmjena 91/17*).

Član 6.

(Duhanske prerađevine)

(1) Duhanskim prerađevinama u smislu člana 4. stav (2) tačka b) ovog zakona smatraju se:

- a) cigarete
- b) cigare i cigarilosi
- c) duhan za pušenje
 - 1) rezani duhan za motanje cigareta
 - 2) ostali duhan za pušenje.

(2) Cigaretama se smatraju:

a) smotuljci duhana prikladni za pušenje, obavijeni omotom koji nije od prirodnog duhana;

b) proizvodi slični cigaretama koji se sastoje od smotuljaka duhana obavijeni jednostrukim i dvostrukim omotačem. Vanjski omotač izrađen je od materijala koji nije list prirodnog duhana i postavljen je u pravoj liniji uzdužno;

c) duhanski štapići koji se jednostavnim neindustrijskim postupkom stavljaju u papirni omot za cigarete ili se umotavaju u papirne listiće;

d) duhanski proizvodi stavljeni u promet pod nazivom cigarete.

(3) Cigare i cigarilosi su smotuljci duhana koji su obavijeni vanjskim zaštitnim listom od duhana.

(4) Duhan za pušenje obuhvata:

a) rezani ili na drugi način usitnjeni, pleteni ili u blokove presovani duhan koji je prikladan za pušenje bez daljnje industrijske obrade;

b) ostali duhan za pušenje koji je prikladan za pušenje i stavljen u maloprodaju, a koji ne potpada pod st. (2) i (3) ovog člana. Ostalim duhanom za pušenje smatraju se i ostaci listova duhana i nusproizvodi nastali preradom duhana ili proizvodnjom duhanskih preradevina (izmjena 49/14).

Član 7.

(Bezalkoholna pića)

(1) Bezalkoholnim pićima se, u smislu člana 4. stav (2) tačka c) ovog zakona, smatraju osvježavajuća bezalkoholna pića od voćnog soka, voćne baze, biljnih ekstrakata, žitarica i surutke, umjetna osvježavajuća bezalkoholna pića i niskoenergetska osvježavajuća bezalkoholna pića.

(2) Pod bezalkoholnim pićima, u smislu stava (1) ovog člana, ne smatraju se:

a) prirodne mineralne, gazirane i negazirane vode, izvorske domaće i uvozne vode i stone vode;

b) 100 % prirodni sokovi od voća i povrća i njihovih mješavina;

c) sokovi od voća i povrća, te njihove mješavine, sa ili bez dodatka vode, sa ili bez dodatog šećera, sa ili bez konzervansa, sa ili bez CO₂, sa ili bez umjetnih boja, sa ili bez umjetnih aroma i drugih umjetnih dodataka, sa stvarnim i deklariranim udjelom 50% i više voća i/ili povrća u suhoj tvari;

d) sirupi, prašci i pastile namijenjeni za pripremu bezalkoholnih pića razblaživanjem u vodi.

Član 8.

(Alkohol, alkoholna pića i voćna prirodna rakija)

(1) Alkoholom se, u smislu člana 4. stav (2) tačka d) ovog zakona, smatraju sve vrste alkohola, nezavisno od sirovine iz koje se dobiva i postupka dobivanja.

(2) Alkoholnim pićima se, u smislu člana 4. stav (2) tačka d) ovog zakona, smatraju pića koja sadrže više od 2% alkohola.

(3) Voćnom prirodnom rakijom se, u smislu člana 4. stav (2) tačka d) ovog zakona, smatra proizvod dobiven destilacijom prevrelog soka, masulja ili komine grožđa ili drugog voća na manje od 86% vol. alkohola, u kojem se ne smije osjetiti miris i okus drugačiji od onoga koji proističe od upotrijebljenih sirovina, kojem se ne smiju dodavati arome ni etilni alkohol poljoprivrednog porijekla, šećer i drugi ugljeni hidrati.

Član 9.

(Pivo i vino)

(1) Pivom se, u smislu člana 4. stav (2) tačka e) ovog zakona, smatra osvježavajuće pjenušavo piće dobiveno od vode, ječmenog slada, kvasca, nezaslađenih žitarica i hmelja, bez obzira na koncentraciju ekstrakta u sladu ili koncentraciju alkohola u pivu.

(2) Vinom se, u smislu člana 4. stav (2) tačke e) ovog zakona, smatra vino od grožđa (uključujući pojačana vina), vermut i ostala vina grožđa aromatizirana biljem ili aromatskim tvarima.

Član 10.

(Kafa)

Kafom se, u smislu člana 4. stav (2) tačka f) ovog zakona, smatra:

a) sirova kafa (sa ili bez kofeina);

b) pržena kafa (sa ili bez kofeina), u zrnu ili mljevena;

c) ljuske i opne pržene kafe;

d) ostali proizvodi od kafe koji u sebi sadrže 50% i više kafe.

Član 11.

(Bliže određenje proizvoda)

Bliže određenje proizvoda iz čl. 4. do 10. ovog zakona koji se oporezuju akcizom propisat

će Upravni odbor pravilnikom.

POGLAVLJE II. PORESKI OBVEZNIK I REGISTRACIJA

Član 12.

(Poreski obveznik)

- (1) Poreski obveznik je pravno lice ili preduzetnik koji akcizne proizvode iz člana 4. stav (2) tač. a), b), c), d), e) i g) ovog zakona uvozi i/ili proizvodi na teritoriji BiH (*izmjena 91/17*).
- (2) Poreski obveznik za proizvode iz člana 4. stav (2) ovog zakona tačka f) je uvoznik.
- (3) Pravno lice ili preduzetnik koji nabavi alkoholna pića, voćne prirodne rakije i vina neposredno od građanina - proizvođača koji nije obveznik akcize smatra se poreskim obveznikom u smislu ovog zakona.
- (4) Proizvođačem duhanskih prerađevina u smislu ovog zakona smatra se svako fizičko lice, poduzetnik ili pravno lice nastanjeno/sa sjedištem u Bosni i Hercegovini koje duhan prerađuje u duhanske proizvode namijenjene za maloprodaju (*izmjena 49/14*).**

Član 13.

(Registracija poreskog obveznika)

- (1) Poreski obveznik koji se bavi proizvodnjom i/ili uvozom akciznih proizvoda, kao i pravno lice ili preduzetnik iz člana 12. stava (3) ovog zakona, dužni su prije početka obavljanja djelatnosti iz koje može proisteći poreska obaveza po ovom zakonu da se registrišu kod UIO.
- (2) Registracija iz stava (1) ovog člana vrši se upisom u Jedinstveni registar obveznika indirektnih poreza, prema propisima koji reguliraju taj upis.
- (3) Za propisivanje uslova za registraciju i prestanak registracije poreskog obveznika iz stava (1) ovog člana nadležan je Upravni odbor.

Član 14.

(Prijava proizvodnih pogona i skladišta)

- (1) Poreski obveznik - proizvođač akciznih proizvoda dužan je UIO prijaviti pogon u kojem će vršiti proizvodnju akciznih proizvoda.
- (2) Poreski obveznik iz člana 12. ovog zakona dužan je UIO prijaviti skladište u kojem se vrši skladištenje akciznih proizvoda i/ili sirovine za proizvodnju akciznih proizvoda.

POGLAVLJE III. OSNOVICA AKCIZE

Član 15.

(Osnovica akcize)

- (1) Osnovica akcize određena je:
 - a) količinom, za akcizne proizvode za koje se akciza plaća po mjernoj jedinici;
 - b) maloprodajnom cijenom i količinom po mjernoj jedinici za duhanske prerađevine.
- (2) Osnovica akcize u slučaju utvrđivanja manjka i rashoda određena je količinom manjka koji se ne može pravdati višom silom, odnosno količinom rashoda (kalo, rastur, kvar i lom) iznad količine određene posebnim aktom Upravnog odbora.
- (3) Akciza na naftne derivate plaća se po litru derivata na količinu utvrđenu pri temperaturi +15°C. Bliže odredbe o određivanju ekvivalenta za preračunavanje iz jedinice mase u volumensku jedinicu utvrdit će Upravni odbor posebnim aktom.
- (4) Akciza na kafu plaća se za jedan kilogram neto težine kafe. Ako se kafa stavlja u promet u pakovanjima većim ili manjim od jednog kilograma, akciza se plaća proporcionalno količini u pakovanju.
- (5) Na promet alkohola, alkoholnih pića i voćne prirodne rakije akciza se plaća po litru apsolutnog alkohola. Ako se proizvodi iz člana 8. ovog zakona stavljaju u promet u pakovanjima većim ili manjim od jednog litra, akciza se plaća proporcionalno količini apsolutnog alkohola u pakovanju.

POGLAVLJE IV. IZNOSI I STOPE AKCIZE

Član 16.

(Iznosi i stope akcize)

Akciza se obračunava i plaća u apsolutnom iznosu po mjernoj jedinici i/ili po proporcionalnoj stopi.

Član 17.

(Iznosi akcize za naftne derivate)

Za naftne derivate akciza se plaća po litru, i to na:

- a) dizel-gorivo i ostala plinska ulja 0,30 KM;
- b) petrolej (kerozin). 0,30 KM;
- c) motorni benzin - bezolovni 0,35 KM;
- d) motorni benzin 0,40 KM;
- e) lož-ulje ekstra lako i lako specijalno (EL i LS) **0,45 KM** (izmjena 91/17);
- f) tečni naftni plin za pogon motornih vozila 0,00 KM** (izmjena 91/17);
- g) biogoriva i biotečnosti 0,30 KM** (izmjena 91/17).

Član 18.

(Iznosi akcize za bezalkoholna pića, pivo i vina)

(1) Za sljedeće akcizne proizvode akciza se plaća po litru, i to:

- a) bezalkoholna pića 0,10 KM,
- b) pivo 0,25 KM,
- c) vino 0,25 KM.

(2) Izuzetno, od stava (1) tačka b) ovog člana proizvođač piva čija je prosječna proizvodnja u prethodne tri godine manja od 400.000 hl, akcizu plaća 0,20 KM/l.

(3) Pravo iz stava (2) ovog člana može ostvariti i uvoznik pod uslovom da ima dokaz da je pivo nabavio od proizvođača čija je prosječna proizvodnja u prethodne tri godine manja od 400.000 hl.

(4) Bliže odredbe za ostvarivanje prava korištenja niže stope iz st. (2) i (3) ovog člana, propisat će Upravni odbor pravilnikom (izmjena 60/14).

Član 19.

(Iznosi akcize za alkohol i alkoholna pića i voćnu prirodnu rakiju)

Za alkohol, alkoholna pića i voćnu prirodnu rakiju akciza se plaća po litru apsolutnog alkohola, i to:

- a) alkohol 15,00 KM;
- b) alkoholna pića 15,00 KM;
- c) voćna prirodna rakija 8,00 KM.

Član 20.

(Iznosi akcize za kafu)

Za kafu akciza se plaća prilikom uvoza po kilogramu, i to za:

- a) sirovu kafu 1,50 KM;
- b) prženu kafu (u zrnu ili mljevena) 3,00 KM;
- c) ljuske i opne pržene kafe i ostale proizvode od kafe . . . 3,50 KM.

Član 21.

(Akciza na duhanske preradevine)

(1) Na cigarete se plaća proporcionalna akciza u procentu na maloprodajnu cijenu i specifična akciza na 1.000 cigareta, odnosno za pakovanje od 20 komada.

(2) Na cigare i cigarilose plaća se proporcionalna akciza u procentu na maloprodajnu cijenu.

(3) Na duhan za pušenje plaća se akciza po kilogramu (*izmjena 49/14*).

Član 21a.

(Akciza na cigarete)

(1) Na cigarete se plaća akciza, i to:

a) proporcionalna, po stopi od 42% na osnovicu utvrđenu u skladu s članom 15. stav (1) tačka b) ovog zakona i

b) specifična akciza utvrđena od Upravnog odbora, kako bi se osigurala dinamika usklađivanja stopa akciza s relevantnim evropskim direktivama.

(2) Upravni odbor će najkasnije do 30. oktobra tekuće godine utvrditi iznos specifične akcize za narednu godinu iz stava (1) tačka (b) ovog člana, sve dok ukupno akcizno opterećenje cigareta s najnižom maloprodajnom cijenom ne dostigne iznos od 176,00 KM za 1.000 komada. Godišnje povećanje specifične akcize ne može biti manje od 7,50 KM za 1.000 komada, odnosno 0,15 KM za pakovanje od 20 komada.

(3) Odluka Upravnog odbora o specifičnoj akcizi iz stava (2) ovog člana primjenjuje se od 1. januara naredne godine.

(4) Specifična akciza za pakovanja različita od pakovanja koje sadrži 20 cigareta plaća se srazmjerno broju komada u pakovanju (*izmjena 49/14*).

Član 21b.

(Minimalna akciza na cigarete)

(1) Ako je obračunata akciza na cigarete prema članu 21a. stav (1) ovog zakona manja od minimalne akcize utvrđene ovim zakonom, plaća se minimalna akciza.

(2) Minimalna akciza iz stava (1) ovog člana podrazumijeva ukupnu akcizu (proporcionalnu i specifičnu) za 1.000 komada, odnosno za pakovanje od 20 komada.

(3) Minimalna akciza na cigarete iznosi najmanje 60% prosječne ponderirane maloprodajne cijene cigareta za period od 1. jula prethodne godine do 30. juna tekuće godine.

(4) Prosječna ponderirana maloprodajna cijena cigareta iz stava (3) ovog člana izračunava se na osnovu podataka UIO o izdatim akciznim markicama za period od 1. jula prethodne godine do 30. juna tekuće godine. Prosječna ponderirana maloprodajna cijena izračunava se na način da se ukupna vrijednost cigareta, sa svim uključenim porezima, za koje su izdate akcizne markice za period od 1. jula prethodne godine do 30. juna tekuće godine, podijeli s ukupnom količinom cigareta za koje su izdate akcizne markice za isti period.

(5) Minimalnu akcizu na cigarete iz stava (3) ovog člana, izračunatu na osnovu metodologije iz stava (4) ovog člana, utvrđuje Upravni odbor najkasnije do 30. oktobra tekuće godine za narednu godinu, a odluka Upravnog odbora o minimalnoj akcizi se primjenjuje od 1. januara naredne godine (*izmjena 49/14*).

Član 21c.

(Akciza na cigare i cigarilose)

Na cigare i cigarilose plaća se proporcionalna akciza po stopi od 42% na osnovicu utvrđenu u skladu s članom 15. stav (1) tačka b) ovog zakona (*izmjena 49/14*).

Član 21d.

(Akciza na duhan za pušenje)

(1) Akciza na duhan za pušenje utvrđuje se u visini od najmanje 80% minimalne akcize na cigarete iz člana 21b. ovog zakona iskazane za 1.000 cigareta.

(2) Akcizu na duhan za pušenje utvrđuje Upravni odbor najkasnije do 30. oktobra tekuće godine za narednu godinu, a odluka Upravnog odbora o minimalnoj akcizi prim-

jenjuje se od 1. januara naredne godine.

(3) Izuzetno od st. (1) i (2) ovog člana, akciza na duhan za pušenje za 2014. godinu iznositi će 78 KM/kg (izmjena 49/14).

POGLAVLJE V. NASTANAK OBAVEZE OBRAČUNAVANJA I PLAĆANJA AKCIZE

Član 22.

(Nastanak obaveze obračunavanja akcize)

Obaveza obračunavanja akcize na osnovu prometa akciznih proizvoda nastaje u trenutku:

a) izdavanja računa proizvođača pri prvoj prodaji ili u trenutku isporuke proizvoda, ako je isporuka obavljena prije izdavanja računa;

b) uvoza akciznih proizvoda na teritoriju BiH, osim za duhanske prerađevine, kao i alkoholna pića, voćne prirodne rakije i vina koja podliježu obavezi obilježavanja akciznim markicama;

c) **preuzimanja** akciznih markica za duhanske prerađevine (*izmjena 50/22*);

d) preuzimanja akciznih markica za alkoholna pića, voćne prirodne rakije i vina;

e) utvrđivanja manjka, koji se ne može pravdati višom silom;

f) rashodovanja (kalo, rastur, kvar i lom), iznad količine određene aktom Upravnog odbora koji će se zasnivati na općim trgovinskim principima;

g) korištenja akciznih proizvoda od strane proizvođača za vlastitu potrošnju.

Član 23.

(Plaćanje akcize)

(1) Obračunatu akcizu iz člana 22. ovog zakona poreski obveznik dužan je uplatiti u rokovima propisanim u st. (2) do (6) ovog člana.

(2) U slučajevima iz člana 22. stava (1) tačka a) ovog zakona, poreski obveznik dužan je platiti akcizu u roku od deset dana po isteku mjeseca u kojem je nastala obaveza obračunavanja akcize.

(3) U slučajevima iz člana 22. stav (1) **tač. b) i c)** i kod uvoza akciznih proizvoda iz tačke d) ovog zakona, poreski obveznik dužan je platiti akcizu u roku propisanom za plaćanje uvoznih dažbina (*izmjena 50/22*).

(4) U slučajevima iz člana 22. stav (1) **tač. c) i d)** ovog zakona, za proizvode koji ne podliježu plaćanju akcize prema stavu (3) ovog člana poreski obveznik dužan je akcizu platiti u roku od deset dana po isteku mjeseca u kojem je došlo do izdavanja računa proizvođača pri prvoj prodaji ili u trenutku isporuke proizvoda, ako je isporuka obavljena prije izdavanja računa (*izmjena 50/22*).

Raniji stav (5) brisan ("Službeni glasnik BiH", broj 50/22).

(5) U slučajevima iz člana 22. stav (1) tač. e), f) i g) ovog zakona, poreski obveznik dužan je platiti akcizu u roku od deset dana po isteku mjeseca u kojem je nastala obaveza obračunavanja akcize.

POGLAVLJE VI. OBILJEŽAVANJE I USLOVI PROMETOVANJA AKCIZNIH PROIZVODA

Član 24.

(Deklaracija proizvoda)

Proizvođač, odnosno uvoznik dužan je na deklaraciji proizvoda (etiketi) i drugom dokumentu koji prati akcizne proizvode označiti siroviniski sastav, vrstu, kvalitet i druga svojstva akciznih proizvoda bitna za utvrđivanje poreske obaveze.

Član 25.

(Akcizne markice)

(1) Duhanske prerađevine, alkoholna pića, voćna prirodna rakija, kafa i vina koja se sta-

vljaju u promet u pakovanjima predviđenim za prodaju na malo u BiH moraju biti obilježene akciznim markicama.

(2) Izuzetno od odredbi stava (1) ovog člana, alkoholna pića, voćna prirodna rakija i vina, koja sadrže manje od 5% alkohola, ne moraju biti obilježene akciznim markicama.

(3) Oblik, sadržaj i zaštitu akciznih markica, proceduru štampanja, čuvanja i postupanja s njima, te obilježavanje proizvoda, kao i postupanje s proizvodima koji su obilježeni markicama izdatim prema ranije važećim propisima propisat će Upravni odbor posebnim aktom.

(4) Akcizne markice izdaje UIO.

(5) Maloprodajne cijene duhanskih prerađevina koje će se štampati na akciznim markicama poreski obveznik mora prijaviti UIO prije njihovog stavljanja u promet.

(6) Duhanske prerađevine, kafa, alkoholna pića, voćne prirodne rakije i vina, izuzev alkoholnog pića, voćne prirodne rakije i vina iz stava (2) ovog člana, koja nisu obilježena akciznim markicama, kao i proizvodi nepravilno obilježeni markicama, smatraju se akciznim proizvodima na koje nije obračunata i plaćena akciza.

(7) Duhanske prerađevine, kafa, alkoholna pića, voćne prirodne rakije i vino, koji se izvoze ili prodaju u bescarinskim prodavnicama, ne moraju biti obilježeni akciznim markicama, ali na ambalaži ili na posebnoj markici moraju imati utisnute riječi: "samo za izvoz" ili na engleskom jeziku: "for export only".

(8) Upravni odbor, ako smatra da je to potrebno, može uvesti obilježavanje akciznim markicama i drugih akciznih proizvoda.

POGLAVLJE VII. PORESKE EVIDENCIJE I PORESKA PRIJAVA

Član 26.

(Evidencije)

(1) Poreski obveznik dužan je voditi posebnu evidenciju o uvozu, prometu, potrošnji i stanju akciznih proizvoda, te imati urednu i ažurnu knjigovodstvenu i vanknjigovodstvenu dokumentaciju.

(2) Bliže odredbe o načinu vođenja evidencije, sadržaju evidencija i načinu dostavljanja UIO kao i oblik i sadržaj poreske prijave za akcizu propisat će Upravni odbor pravilnikom.

Član 27.

(Prijava akcize)

(1) Poreski period obuhvata vrijeme jednog kalendarskog mjeseca.

(2) Poreski obveznik - proizvođač dužan je da obavezu nastalu po osnovu akcize prijavi u poreskom periodu u kojem je obaveza i nastala.

(3) Prijavu iz stava (2) ovog člana poreski obveznik podnosi UIO do 10. u mjesecu po isteku poreskog perioda.

(4) Izuzetno od stava (2) ovog člana, poreski obveznik dužan je da podnese prijavu akcize, bez obzira da li ima obavezu plaćanja akcize u periodu za koji je prijava podnesena.

POGLAVLJE VIII. KONTROLA OBRAČUNAVANJA I PLAĆANJA AKCIZE

Član 28.

(Kontrola obračunavanja i plaćanja)

Kontrolu obračunavanja, prijavljivanja i plaćanja akcize vrši UIO u skladu s ovim zakonom i drugim zakonima iz oblasti indirektnog oporezivanja.

Član 29.

(Privremeno oduzimanje akciznih proizvoda)

(1) Akcizni proizvodi zatečeni u prometu bez akciznih markica ili nepravilno obilježeni

akciznim markicama, kao i akcizni proizvodi zatečeni u prometu bez vjerodostojne dokumentacije o pravnom poslu na osnovu kojeg se stiže pravo raspolaganja predmetnim proizvodima bit će privremeno oduzeti do okončanja postupka.

(2) Ovlaštenje za privremeno oduzimanje akciznih proizvoda iz stava (1) ovog člana imaju ovlaštena službena lica UIO i ovlaštena službena lica iz drugih organa u okviru svoje nadležnosti.

POGLAVLJE IX. OSLOBAĐANJE, POVRAT I UMANJENJE AKCIZE

Član 30.

(Oslobađanje)

(1) Od plaćanja akciza oslobođeni su sljedeći akcizni proizvodi:

- a) proizvodi koji se izvoze;
- b) proizvodi koji se isporučuju u bescarinske prodavnice radi prodaje putnicima koji odlaze u inozemstvo;
- c) proizvodi koji se uvoze, unose ili primaju iz inozemstva, a koji su po carinskim propisima oslobođeni od plaćanja uvoznih dažbina;
- d) proizvodi koji se isporučuju diplomatskim i konzularnim predstavništvima i njihovom osoblju, po principu reciprociteta, a na osnovu akta Ministarstva vanjskih poslova Bosne i Hercegovine;
- e) proizvodi koji se isporučuju licima koja su po osnovu Općeg okvirnog sporazuma za mir u Bosni i Hercegovini i Aneksa uz taj sporazum, te ratificiranih međunarodnih ugovora i konvencija oslobođena od plaćanja ove vrste poreza;
- f) gorivo za avione i brodove u međunarodnom saobraćaju;
- g) na uvoz i/ili isporuku alkohola koji se koristi kao repromaterijal za proizvodnju alkoholnih pića, licu registriranom za proizvodnju u skladu s članom 13. ovog zakona.

(2) Upravni odbor propisat će pravilnikom postupak po kojem se ostvaruju prava na oslobađanja iz stava (1) ovog člana.

Član 31.

(Povrat)

(1) Fizička i pravna lica koja koriste lož-ulje za zagrijavanje stambenih i poslovnih objekata i objekata za poljoprivrednu proizvodnju (staklenici i plastenici) imaju pravo na povrat akcize plaćene na lož-ulje.

(2) Preduzetnik i pravna lica koja koriste alkohol za proizvodnju lijekova i/ili u medicinske svrhe, kao i etil alkohol koji koriste kao repromaterijal u proizvodnji sredstava za čišćenje i pranje, kozmetičkih proizvoda i ostalih proizvoda na koje se ne plaća akciza imaju pravo na povrat uplaćenog iznosa akcize.

(3) Pravno lice koje je izvezlo akcizne proizvode za koje je prethodno plaćena akciza ima pravo na povrat uplaćenog iznosa.

(4) Zahtjev za povrat uplaćene akcize podnosi se UIO.

(5) UIO je dužan da izvrši povrat uplaćene akcize najkasnije u roku od 30 dana od dana podnošenja zahtjeva.

(6) Upravni odbor propisat će uslove i postupak po kojem se ostvaruje pravo na povrat akcize na bazi normativa potrošnje po metru kvadratnom površine koja se zagrijava.

POGLAVLJE X. OGRANIČENJE U PROMETU ODREĐENIH PROIZVODA

Član 32.

(Ograničenja u prometu lož-ulja)

(1) Poreski obveznici iz člana 12. stav (1) ovog zakona dužni su prije puštanja u promet (ako se radi o proizvođaču iz BiH) ili uvoza lož-ulje obojiti crvenom bojom uz dodavanje indikatora (markera) prema važećim propisima i standardima.

(2) Na lož-ulje koje je prometovano a nije obojeno crvenom bojom u skladu sa stavom (1) ovog člana bit će naplaćena akciza u iznosu od **0,45 KM** po litru i za njega se ne može ostvariti povrat (*izmjena 91/17*).

(3) Lož-ulje se ne smije koristiti u svrhe suprotne njegovoj osnovnoj namjeni.

(4) Ako se pri kontroli vozila na motorni pogon, plovni objekata na motorni pogon ili drugih transportnih sredstava na motorni pogon, odnosno za pogon drugih motora, utvrdi da se lož-ulje koristi kao pogonsko gorivo, akciza će biti obračunata i naplaćena od vlasnika predmetnog sredstva u iznosu od **0,45 KM** po litru, na količinu koja odgovara zapremini rezervoara uvećanoj za deset puta (*izmjena 91/17*).

Član 33.

(Promet lož-ulja)

(1) Promet lož-ulja (ekstra lako i lako specijalno EL i LS) može se vršiti na benzinskim pumpama, u za to posebno predviđenom skladištu izdvojenom od mjesta predviđenog za snabdijevanje pogonskim gorivom motornih vozila i vozila na motorni pogon, ili iz samostalnih posebnih skladišta ili direktnom isporukom potrošaču.

(2) Skladišta iz stava (1) ovog člana moraju biti registrirana kod UIO.

(3) Uslove i način prijavljivanja i davanja saglasnosti za registraciju skladišta iz stava (1) ovog člana propisat će UIO posebnim aktom.

(4) Držalac skladišta za prodaju lož-ulja iz stava (1) ovog člana dužan je lož-ulje dostavljati autocisternama na adresu kupca, te o svim isporukama voditi urednu evidenciju.

(5) Evidencija iz stava (4) ovog člana obavezno mora sadržavati podatke o nabavljenim količinama lož-ulja, te tačne podatke o isporukama kupcima.

(6) Bliže odredbe o načinu vođenja evidencije, sadržaju evidencija i načinu dostavljanja nadležnom organu, te oblik i sadržaj propisat će Upravni odbor posebnim aktom.

Član 34.

(Kontrola prometa lož-ulja)

(1) Kontrolu nad upotrebom i korištenjem lož-ulja u smislu odredbi čl. 32. i 33. ovog zakona vrše ovlaštena lica UIO i ovlaštena službena lica iz drugih organa u okviru svoje nadležnosti.

(2) U slučaju utvrđivanja nepravilnosti, postupak obračuna i naplate akcize je u nadležnosti UIO.

DIO TREĆI - PUTARINA

Član 35.

(Osnovica i iznos)

(1) Putarina kao vrsta indirektnog poreza plaća se na biogoriva i biotečnosti iz člana 4. stav (1) tačka g) ovog zakona i na naftne derivate iz člana 5. stav (1) tač. a), b) i e) ovog zakona.

(2) Putarina iz stava (1) ovog člana plaća se u iznosu:

a) **0,15 KM** po litru proizvoda, odnosno kilogramu tečnog naftnog plina za puteve i

b) **0,25 KM** po litru proizvoda, odnosno kilogramu tečnog naftnog plina za izgradnju autoputeva i za izgradnju i rekonstrukciju drugih puteva, od čega se **0,20 KM** odnosi na izgradnju autoputeva, a **0,05** za izgradnju i rekonstrukciju drugih puteva (*izmjena 91/17*).

Član 36.

(Oslobađanje)

(1) Putarina se ne plaća na dizel-gorivo koje se koristi za potrebe rudnika, termoelektrana i željeznica (za pogon šinskih vozila), u količini koju odobri Upravni odbor na prijedlog vlada

entiteta i Brčko Distrikta Bosne i Hercegovine.

(2) Bliže odredbe o uslovima i postupku za ostvarivanje oslobađanja plaćanja putarine iz stava (1) ovog člana propisat će pravilnikom Upravni odbor.

Član 37.

(Naknadna naplata)

(1) Ako se pri kontroli prometa utvrdi da se promet lož-ulja vrši suprotno odredbama čl. 32. i 33. ovog zakona, obračunat će se putarina iz člana 35. stav (2) ovog zakona.

(2) Ako se pri kontroli vozila na motorni pogon, plovni objekata na motorni pogon ili drugih transportnih sredstava na motorni pogon, odnosno za pogon drugih motora utvrdi da se lož-ulje koristi kao pogonsko gorivo, putarina iz člana 35. stav (2) ovog zakona bit će obračunata i naplaćena od vlasnika predmetnog sredstva, na količinu koja odgovara zapremini rezervoara uvećanoj za deset puta.

Član 38.

(Ostale odredbe)

(1) Odredbe ovog zakona koje se odnose na akcizu, a tiču se poreskog obveznika, poreske osnovice, načina plaćanja, oslobađanja i povrata akcize, te drugih pitanja koja nisu za putarinu regulirana odredbama čl. 35., 36. i 37. ovog zakona primjenjuju se *mutatis mutandis* i na putarinu.

(2) Kontrolu, obračun, naplatu, oslobađanje, povrat, prinudnu naplatu putarine i ostalo što se odnosi na putarinu vrši UIO.

DIO ČETVRTI - PRAVNA SREDSTVA

Član 39.

(Žalba)

(1) Protiv rješenja donesenog u postupku obračuna i naplate akcize i/ili putarine poreski obveznik ima pravo žalbe u roku od 15 dana od dana primanja rješenja.

(2) Žalba se podnosi i postupak po žalbi provodi na način propisan Zakonom o postupku indirektnog oporezivanja ("Službeni glasnik BiH", br. 89/05).

(3) Žalba ne odgađa izvršenje rješenja.

Član 40.

(Primjena procesnog zakona)

Na postupke i procedure koji nisu regulirani ovim zakonom primjenjuju se odredbe Zakona o postupku indirektnog oporezivanja.

DIO PETI - KAZNE NE ODREDBE

Član 41.

(Prekršaji)

(1) Novčanom kaznom u iznosu od 1.000 KM do 200.000 KM kaznit će se za prekršaj pravno lice a novčanom kaznom u iznosu od 1.000 KM do 20.000 KM preduzetnik ako:

a) se na dokumentu koji prati akcizni proizvod ili na akciznom proizvodu ne nalaze podaci o sirovinskom sastavu, vrsti, kvalitetu i drugim svojstvima bitnim za utvrđivanje poreske obaveze ili ako su ti podaci netačni;

b) ne obračuna ili netačno obračuna akcizu;

c) stavi u promet akcizne proizvode prije izvršene registracije iz člana 13. ovog zakona;

d) ne prijavi maloprodajne cijene duhanskih prerađevina UIO prije puštanja u promet ili ako ih prodaje po cijenama višim od prijavljenih;

e) vrši promet lož-ulja suprotno odredbama člana 33. ovog zakona;

f) ne prijavi skladište kod UIO i ne vodi evidencije o nabavljenim i prodatim količinama

lož-ulja;

g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;

h) duhanske prerađevine, alkoholna pića, voćne prirodne rakije, vina i kafu stavi u promet, a da akcizni proizvod nije na propisan način obilježen akciznom markicom;

i) akcizne proizvode stavi u promet bez vjerodostojne dokumentacije;

j) ne plati u propisanom roku akcizu ili putarinu (izmjena 91/17);

k) ne vodi evidencije propisane članom 26. ovog zakona;

l) crvenom bojom uz dodavanje indikatora ne oboji isporučene količine lož-ulja;

m) ne izvrši popis zaliha u smislu člana 45. i 45a. ovog zakona (izmjena 91/17);

n) da netačne podatke u cilju primjene niže stope iz člana 18. stav (2) ovog zakona (izmjena 60/14).

(2) Novčanom kaznom u iznosu od 300 KM kaznit će se za prekršaj pravno lice i preduzetnik ako ne podnesu prijavu akcize u roku iz člana 27. ovog zakona.

(3) Za prekršaj iz st. (1) i (2) ovog člana kaznit će se i odgovorno lice u pravnom licu novčanom kaznom u iznosu od 300 KM do 10.000 KM.

(4) Novčanom kaznom u iznosu od 1.000 KM do 3.000 KM kaznit će se fizičko lice koje koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon.

(5) Novčanom kaznom u iznosu od 1.000 KM do 3.000 KM kaznit će se fizičko lice koje stavi u promet duhanske prerađevine, alkoholna pića, voćne prirodne rakije, vina i/ili kafu, a da akcizni proizvodi nisu na propisan način označeni akciznom markicom i/ili bez vjerodostojne dokumentacije (izmjena 49/14).

Član 42.

(Zaštitna mjera)

(1) Uz novčanu kaznu pravnom licu i poduzetniku izreći će se zaštitna mjera oduzimanja akciznih proizvoda kojim je učinjen prekršaj iz člana 41. stav (1) tačke h) i i) ovog zakona, kao i fizičkom licu za učinjeni prekršaj iz člana 41. stav (5) ovog zakona (izmjena 49/14).

(2) Postupak s oduzetom robom propisat će posebnim aktom Upravni odbor.

DIO ŠESTI - PRIJELAZNE I ZAVRŠNE ODREDBE

Član 43.

(Podzakonski akti)

Upravni odbor donijet će pravilnik o primjeni ovog zakona u roku od 30 dana od dana stupanja na snagu ovog zakona.

Član 44.

(Prijava poreskog obveznika i skladišta)

(1) Poreski obveznik koji je prema propisima koji su bili na snazi prije donošenja ovog zakona registrirao proizvodnju akciznih proizvoda kod UIO stupanjem na snagu ovog zakona nije dužan ponovo se registrirati u smislu odredbe člana 13. stav (1) ovog zakona, osim ako nije došlo do promjena u obavljanju djelatnosti.

(2) Poreski obveznik iz stava (1) ovog člana dužan je izvršiti prijavu proizvodnog pogona i skladišta iz člana 14. ovog zakona u roku od 30 dana od dana početka primjene ovog zakona.

Član 45.

(Popis zaliha, obračun i uplata)

(1) Poreski obveznici i druga lica koji se bave prometom duhanskih prerađevina iz

člana 1. stav (1) tač. b) i c) ovog zakona dužni su na dan početka primjene ovog zakona popisati zalihe ovih prerađevina i popisne liste dostaviti UIO u roku od sedam dana.

(2) Poreski obveznici i druga lica koji se bave prometom duhanskih prerađevina iz člana 1. stav (1) tač. b) i c) ovog zakona dužni su prijaviti nove maloprodajne cijene UIO u roku od sedam dana od dana izvršenog popisa i na novu osnovicu obračunati i uplatiti razliku akcize u roku od 10 dana od dana dostavljanja popisnih lista.

(3) Poreski obveznici i druga lica koji se bave prometom duhanskih prerađevina dužni su popisati zalihe duhanskih prerađevina pri svakoj promjeni maloprodajnih cijena koje prijavljuju UIO u roku od sedam dana od dana izvršenog popisa i na novu osnovicu obračunati i uplatiti razliku akcize u roku od 10 dana od dana dostavljanja popisnih lista.

(4) Izuzetno za 2014. godinu obračun specifične i minimalne akcize na cigarete vrši se u skladu s Odlukom o utvrđivanju posebne i minimalne akcize na cigarete za 2014. godinu ("Službeni glasnik BiH", broj 88/13).

(5) Obračun akcize na duhanske prerađevine koje nisu obuhvaćene Odlukom iz stava (4) ovog člana vršit će se u skladu s odredbama ovog zakona (*izmjena 49/14*).

Član 45a.

(Popis zaliha i rokovi)

(1) Poreski obveznici i druga lica koja se bave prometom biogoriva i biotečnosti i naftnih derivata dužni su popisati zalihe akciznih proizvoda čijim se prometom bave na dan početka primjene ovog zakona i popisne liste dostaviti Upravi u roku sedam dana.

(2) Poreski obveznici i druga lica koja se bave prometom biogoriva i biotečnosti i naftnih derivata dužni su da na zatečene zalihe utvrđene popisnim listama iz stava (1) ovog člana izvrše obračun akcize i putarine prema odredbama ovog zakona, te da u roku deset dana od dana izvršenog popisa iz stava (1) ovog člana uplate na propisane račune razliku između obračunate i već uplaćene akcize i/ili razliku između obračunate i već uplaćene putarine (*izmjena 91/17*).

Član 46.

(Okončanje ranije započetih postupaka)

Postupak kontrole obračuna i naplate akcize, povrata akcize, prinudne naplate, obnove postupka i drugi upravni postupci, započeti prije početka primjene ovog zakona, a koji nisu okončani pravosnažnim rješenjima, okončat će, prema ranije važećim propisima, organi kod kojih je postupak pokrenut.

Član 46a.

(Postupanje po ranije podnesenom zahtjevu)

(1) Za duhanske prerađevine za koje je zahtjev za štampanje akciznih markica podnesen prije početka primjene ovog zakona plaćanje akcize vrši se prema propisima koji su se primjenjivali u vrijeme podnošenja zahtjeva.

(2) Akciza plaćena prilikom preuzimanja akciznih markica isključuje plaćanje akcize na način propisan članom 23. st. (3) i (4) ovog zakona (*izmjena 50/22*).

Član 47.

(Prestanak važenja ranijeg zakona)

Početak primjene ovog zakona prestaje da važi Zakon o akcizama u Bosni i Hercegovini ("Službeni glasnik BiH", br. 62/04, 48/05 i 72/05).

Član 48.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku

BiH", a primjenjivat će se od prvog radnog dana mjeseca koji slijedi nakon stupanja na snagu ovog zakona.

U izmjenama i dopunama Zakona ("Službeni glasnik BiH", broj 50/22) uvedene su nove odredbe člana 4. koje glase:

Član 4.

Upravni odbor dužan je u roku od 60 dana od dana stupanja na snagu ovog zakona uskladiti podzakonske akte za njegovo provođenje.

**PRAVILNIK
O IZMJENAMA PRAVILNIKA O PRIMJENI ZAKONA
O POREZU NA DODANU VRIJEDNOST***

("Službeni glasnik BiH", broj 47/22)

Član 1.

U Pravilniku o primjeni Zakona o porezu na dodanu vrijednost ("Službeni glasnik BiH", br. 93/05, 21/06, 60/06, 6/07, 100/07, 35/08, 65/10, 85/17 i 44/20) u članu 8. stav (1) mijenja se i glasi:

"(1) Novosagrađenim građevinskim objektom iz člana 4. stav (3) tačka 4. Zakona smatra se:

a) nedovršen građevinski objekat i/ili ekonomski djeljiva cjelina u sklopu objekata u bilo kojoj fazi izgradnje,

b) završen građevinski objekat i/ili ekonomski djeljiva cjelina u sklopu objekata koja nije upotrebljavana ili je upotrebljavana kraće od dvije godine od momenta početka upotrebe."

Član 2.

U članu 22. iza stava (6) dodaju se novi stavovi (7) i (8), koji glase:

"(7) Poreznu osnovicu za usluge prijevoza putnika izvršene vozilom za prijevoz putnika (autobus, minibus i drugo vozilo licencirano za prijevoz putnika) čini onaj dio od ukupne vrijednost usluge koji se srazmjerno broju kilometara koje vozilo prelazi preko teritorije BiH oporezuje u BiH.

(8) Porezna osnovica iz stava (7) ovog člana ne može biti niža od prosječne naknade koju čini prosječan iznos vrijednosti po putniku i po jednom kilometru od 0,10 konvertibilnih maraka pomnožen sa brojem putnika koji putuju i brojem kilometara koje vozilo prelazi preko teritorije BiH."

Član 3.

U članu 33. mijenja se stav (1) i dodaje stav (2) i glase:

"(1) Oslobođanje od plaćanja poreza iz člana 25. stav (1) tačka 2. Zakona odnosi se na svaki promet nepokretne imovine, izuzev prvog prijenosa prava raspolaganja novosagrađenim građevinskim objektom ili ekonomski djeljivom cjelinom u sklopu objekata u smislu člana 4. stav (3) tačka 4. Zakona i člana 8. stav (1) tačka b) ovog pravilnika.

(2) Oslobođanje iz stava (1) ovog člana ne odnosi se na promet objekta i/ili ekonomski

* Pravilnik je objavljen u "Službenom glasniku BiH", broj 47/22 od 19. jula 2022. godine, a stupio je na snagu 27. jula 2022. godine.

djeljive cjeline u sklopu objekata iz člana 8. stav (1) tačka a) ovog pravilnika, neovisno od eventualne upotrebe.”

(3) Dosadašnji stav (2) postaje stav (3).

Član 4.

Član 60. mijenja se i glasi:

"Član 60.

(Unos dobara u slobodnu zonu namijenjenih izvozu)

(1) Oslobođanje od plaćanja PDV (oporezivanje nultom stopom) iz člana 30. stav (1) i stav (2) tačka c) Zakona odnosi se na dobra koja služe za proizvodnju i/ili daljnji promet dobara namijenjenih izvozu iz Bosne i Hercegovine u skladu sa članom 27. Zakona i koja se

a) uvoze u slobodnu zonu,

b) isporučuju u slobodnu zonu i u okviru slobodne zone i

c) upotrebljavaju u slobodnoj zoni.

(2) Oslobođanje iz stava (1) ovog člana odnosi se i na opremu, postrojenje i alat, koji su unose i koriste se isključivo u slobodnoj zoni za proizvodnju i/ili daljnji promet dobara.

(3) Oslobođanje iz stava (1) ovog člana ne odnosi se na dobra čija se isporuka vrši putem prijenosnog i distributivnog sistema upotrebom energetske vodova i cjevovoda (gas, električna energija, energija za grijanje ili hlađenje i voda). Na unos ovih dobara primjenjuju se opće odredbe o pravu na odbitak PDV.

(4) Porezno oslobođanje iz stava (1) i (2) ovog člana obveznik može da ostvari ako posjeduje:

a) dokument preduzeća koje upravlja slobodnim zonama (u daljnjem tekstu: preduzeće) kojim se potvrđuje da između preduzeća i korisnika slobodne zone - primaoca dobara postoji važeći ugovor o korištenju slobodne zone,

b) račun isporučioaca dobara koja se unose u slobodnu zonu i ugovor o isporuci između korisnika zone i obveznika koji vrši promet dobara koja su bh. roba u slobodnu zonu korisniku slobodne zone,

c) izjavu korisnika zone da se radi o nabavci dobara koja su namijenjena ili služe za proizvodnju dobara namijenjenih izvozu iz Bosne i Hercegovine,

d) carinsku ispravu odnosno fakturu i drugi dokument kojim se dokazuje da su dobra unešena u slobodnu zonu, ovjeren u skladu sa carinskim propisima od strane carinskog ureda nadzornog za slobodnu zonu.

(5) Na upotrebu dobra suprotno odredbama stava (1) i (2) ovog člana obveznik je dužan obračunati PDV u poreznom periodu u kojem bi i nastala obaveza plaćanja PDV kod uvoza dobara i/ili unosa tih dobara.

(6) Uprava može propisati odgovarajuće procedure neophodne za nadzor i praćenje unosa i istupa dobara iz slobodne zone, kao i posebne evidencije o kretanju tih dobara."

Član 5.

Član 61. mijenja se i glasi:

"Član 61.

(Usluge korisnicima slobodnih zona u vezi isporuka dobara namijenjenih izvozu)

(1) Porezno oslobođanje od plaćanja PDV (oporezuje nultom stopom) iz člana 30. stav (1) tačka 3) Zakona odnosi se na prijevozne i druge usluge korisnicima slobodnih zona koje su neposredno povezane sa unosom dobara u slobodnu zonu i izgradnju objekata namijenjenih obavljanju djelatnosti u slobodnoj zoni iz člana 60. stav (1) i (2) ovog pravilnika, obveznik koji vrši pružanje usluga može da ostvari ako posjeduje:

a) dokument preduzeća kojim se potvrđuje da između preduzeća koje upravlja slobodnom zonom i korisnika slobodne zone – primaoca usluga postoji važeći ugovor o korištenju slobodne zone,

b) ugovor o pružanju usluga sa korisnikom slobodne zone – primaocem usluge,

c) račun pružaoca usluga,

d) izjavu korisnika zone da se radi o uslugama za koja bi obveznik – sticalac dobara i usluga imao pravo na odbitak ulaznog poreza kada bi te usluge nabavljao za potrebe obavljanja djelatnosti van slobodne zone,

e) ovjerenu ispravu kojom se dokazuje da usluga korisniku slobodne zone neposredno povezana sa dobrima iz člana 60. stav (1) i (2) ovog pravilnika,

f) izjavu korisnika zone da se radi o uslugama i dobrima koja su ili služe za proizvodnju dobara koja su namijenjena izvozu iz Bosne i Hercegovine."

Član 6.

U članu 76. stav (2) mijenja se i glasi:

"(2) Momenat početka upotrebe građevinskog objekta iz člana 36. stav (3) Zakona dokazuje se knjigovodstvenom evidencijom kojom se građevina, odnosno njezini dijelovi stavlja u upotrebu ili bilo kojom drugom dokumentacijom kojom se dokazuje korištenje nekretnine i njezinih dijelova kao što su: zapisnik o primopredaji, ugovor o najmu, ugovor o isporuci električne energije, vode i slično."

U stavu (3), na početku stava, iza riječi "Ispravka", riječi " prvobitnog odbitka" se brišu.

Član 7.

Član 78. mijenja se i glasi:

"Član 78.

(Podnošenje PDV prijave)

(1) Porezni obveznik, odnosno porezni zastupnik lica koje nema sjedište u BiH, dužan je izvršiti mjesečni obračun PDV i isti dostaviti u PDV prijavi, do 10-og dana u narednom mjesecu po isteku poreznog perioda.

(2) Prijava iz stava (1) ovog člana podnosi se na jedinstvenom obrascu prijave za PDV (Obrazac P PDV) koji je, zajedno sa Uputstvom o popunjavanju PDV prijave sa pojašnjenjem načina popunjavanja polja krajnje potrošnje sastavni dio ovog pravilnika.

(3) Iznosi u PDV prijavi se iskazuju u decimalnim brojevima zaokruženim na dvije decimale.

(4) Porezni obveznik PDV prijavu iz stava (1) ovog člana podnosi u elektronskom obliku posredstvom ePortala UIO.

(5) Porezni obveznici koji imaju status "velikih obveznika indirektnih poreza" su dužni PDV prijavu iz stava (1) ovog člana dostavljati UIO elektronskim putem upotrebom kvalifikovane potvrde od poreznog perioda januar 2023. godine.

(6) Izuzetno od odredbe stava (5) ovog člana, porezni obveznici koji imaju status "velikih obveznika indirektnih poreza" mogu i prije poreznog perioda januar 2023. godine PDV prijavu iz stava (1) ovog člana dostavljati UIO elektronskim putem upotrebom kvalifikovane potvrde, a najranije od poreznog perioda oktobar 2022. godine.

(7) Ostali porezni obveznici koji nemaju status "velikih obveznika indirektnih poreza" su dužni PDV prijavu iz stava (1) ovog člana dostavljati UIO elektronskim putem upotrebom kvalifikovane potvrde od poreznog perioda januar 2024. godine.

(8) Izuzetno od odredbe stava (7) ovog člana, ostali porezni obveznici koji nemaju status "velikih obveznika indirektnih poreza" mogu i prije poreznog perioda januar 2024. godine

PDV prijavu iz stava (1) ovog člana dostavljati UIO elektronskim putem upotrebom kvalifikovane potvrde, a najranije od poreznog perioda januar 2023. godine.

(9) Da bi porezni obveznik dostavio PDV prijavu elektronskim putem upotrebom elektronskog potpisa uvjet je da ima kvalifikovanu elektronsku potvrdu izdanu od strane ovlaštenog tijela.

(10) PDV prijava dostavljena elektronskim putem upotrebom kvalifikovane potvrde smatra se svojeručno potpisanom.

(11) Elektronsko dostavljanje PDV prijave vrši se u skladu sa propisima UIO."

Član 8.

Iza člana 78. dodaje se novi član 78a. koji glasi:

"Član 78a.

(Obračun i plaćanje PDV stranog prijevoznika putnika)

(1) Za svrhe obračuna i plaćanja PDV strani prijevoznik putnika je svako lice koje vrši prijevoz putnika na teritoriji BiH, a koje nema sjedište, odnosno prebivalište u BiH.

(2) Obračun i plaćanje PDV za izvršene usluge prijevoza putnika koji vrši strani prijevoznik putnika na teritoriji BiH vrši porezni punomoćnik stranog prijevoznika koji ima sjedište na teritoriji BiH.

(3) Strani prijevoznik iz stava (2) ovog člana pri ulasku i pri izasku sa teritorije BiH popunjava Prijavu prijevoza putnika (obrazac SPP-PDV I) koja je sastavni dio ovog Pravilnika, u dva primjerka, od kojih UIO zadržava jedan primjerak nakon ovjere.

(4) Izuzetno od stava (2) ovog člana, obračun PDV stranom prijevozniku koji nema poreznog punomoćnika sa sjedištem na teritoriji BiH utvrđuje UIO u skladu sa stavom (5), (6) i (7) ovog člana.

(5) Strani prijevoznik iz stava (4) ovog člana pri ulasku i pri izlasku sa teritorije BiH nadležnom carinskom organu podnosi popunjenu Prijavu za obračun PDV stranom prijevozniku koji nema poreznog punomoćnika na teritoriji BiH (obrazac SPP-PDV) koja je sastavni dio ovog Pravilnika.

(6) Nadležni carinski organ, prilikom ulaska na teritoriju BiH, prema podacima iz Prijave iz stava (5) ovog člana (SPP-PDV) popunjava i stranom prijevozniku iz stava (4) ovog člana, izdaje Potvrdu o obračunatom PDV stranom prijevozniku koji nema poreznog punomoćnika na teritoriji BiH (obrazac SPP-PDV UC) koja je sastavni dio ovog Pravilnika. Potvrda se izdaje u dva primjerka od kojih nadležni carinski organ jedan primjerak zadržava za svoje potrebe.

(7) Prije napuštanja teritorije BiH nadležni carinski organ stranom prijevozniku utvrđuje konačan obračun PDV na osnovicu utvrđenu na način iz člana 22. stav (7) i (8), te mu izdaje Potvrdu o iznosu ukupno obračunatog i iznosu plaćenog PDV koji je obračunat stranom prijevozniku koji nema poreznog punomoćnika na teritoriji BiH (obrazac SPP-PDV IC) koja je sastavni dio ovog Pravilnika. Potvrda se izdaje u dva primjerka od kojih nadležni carinski organ jedan primjerak zadržava za svoje potrebe.

(8) Dokaz o uplati PDV, u iznosu jednakom ukupnom iznosu utvrđenom u konačnom obračunom PDV iz stava (7), izvršenoj sa pozivom na broj Potvrde iz stava (6) ovog člana strani prijevoznik putnika dužan je predložiti nadležnom carinskom organa najkasnije u momentu napuštanja teritorije BiH."

Član 9.

Član 137. mijenja se i glasi:

"Član 137.

(Obaveze za postupanje u građevinskoj djelatnosti)

(1) Lica koja su obveznici PDV-a u skladu sa Zakonom, dužna su da na dan stupanja na

snagu ovog pravilnika izvrše popis građevinskih objekata čija je izgradnja u toku i sačinjenje popisne liste dostave Upravi najkasnije u roku od 15 dana od dana izvršenog popisa.

(2) Popisna lista iz stava (1) ovog člana sadrži najmanje podatak o nazivu obveznika, ID broju obveznika, adresi na kojoj se nalazi objekat, ukupnu projektnu površinu objekta i/ili ekonomski djeljivih cjelina, ukupno sadržani PDV po primljenim fakturama, ukupno odbijeni PDV sa danom popisa, vrijednost izvršenih isporuka i vrijednost primljenih uplata za buduće isporuke po kojima je ispostavljena faktura, avansna faktura ili drugi dokument kojim se dokazuje vrijednost izvršenih isporuka i/ili primljenih uplata. Uz popisnu listu se prilaže specifikacija pojedinačno izdate fakture i avansne fakture ili drugog dokumenta o izvršenoj isporuci i/ili primljenoj uplati.

(3) Na prava i obaveze PDV-a u vezi sa građevinskim objektima u izgradnji nastale prije stupanja na snagu ovog pravilnika primjenjivat će se odredbe pravilnika koji je bio na snazi do početka primjene ovog pravilnika."

Član 10.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

PRAVILNIK O DOPUNAMA PRAVILNIKA O PRIMJENI ZAKONA O POREZU NA DOHODAK*

(“Službene novine Federacije BiH”, broj 57/22)

Član 1.

U Pravilniku o primjeni Zakona o porezu na dohodak ("Službene novine Federacije BiH", br. 48/21, 77/21 i 20/22) u članu 10. stav (1) iza tačke d) dodaje se nova tačka e) koja glasi:

"e) Uredbe o pomoći stanovništvu usljed rasta indeksa potrošačkih cijena ("Službene novine Federacije BiH", broj 55/22)."

Član 2.

U članu 53. iza stava (4) dodaje se novi stav (5) koji glasi:

"(5) Iznosi iz stava (1) ovog člana umanjuju se za 50% u periodu od dana stupanja na snagu ovog Pravilnika do 31.12.2022. godine."

Član 3.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

* Pravilnik je objavljen u "Službenim novinama Federacije BiH", broj 57/22 od 20. jula 2022. godine, a stupio je na snagu 21. jula 2022. godine. Pravilnik je donijet na osnovu člana 31. stav (1), člana 36. stav (2) Zakona o porezu na dohodak ("Službene novine Federacije BiH", br. 10/08, 9/10, 44/11, 7/13 i 65/13).

**IZVOD IZ UREDBE
O POMOĆI STANOVNIŠTVU USLJED RASTA
INDEKSA POTROŠAČKIH CIJENA**

(“Službene novine Federacije BiH”, broj 55/22)

POGLAVLJE VI. - OSTALE JEDNOKRATNE POMOĆI

Član 19.

(Pomoć)

(1) Poslodavac može izvršiti isplatu jednokratne pomoći radniku, u visini do 1.080 KM (hiljadu osamdeset i 00/100 konvertibilnih maraka).

(2) Poslodavac pomoć iz stava (1) ovog člana može isplatiti najkasnije do 31.12.2022. godine.

(3) Isplata pomoći iz stava (1) ovog člana će se vršiti isključivo na transakcijske račune radnika.

(4) Pomoć iz ovog člana se ne smatra plaćom ili naknadom plaće prema odredbama Zakona o radu ("Službene novine Federacije BiH", br. 26/16, 89/18 i 44/22).

* Uredba je objavljena u "Službenim novinama Federacije BiH", broj 55/22 od 13. jula 2022. godine, a stupila je na snagu 14. jula 2022. godine.

ODLUKA O VISINI KOMUNALNIH TAKSI OPĆINE NOVI GRAD SARAJEVO*

(„Službene novine KS”, broj 27/22)

I. OPĆE ODREDBE

Član 1.

(Predmet)

Ovom odlukom utvrđuju se vrste komunalnih taksi, obveznik plaćanja, kriteriji, zone i visina takse, način plaćanja, oslobađanja od plaćanja, način prijave, naplate takse i povrat takse za obveznike na području Općine Novi Grad Sarajevo (u daljem tekstu: Općina), u skladu sa Zakonom o komunalnim taksama („Službene novine Kantona Sarajevo”, broj 8/22), (u daljem tekstu Zakon).

Član 2.

(Definiranje pojmova)

(1) Pojmovi u smislu ove odluke:

a) istaknuta firma podrazumijeva oznaku, obilježje ili natpis na radnim i drugim prostorijama, na fasadi građevine u kojoj se nalaze radne prostorije ili van gabarita te građevine, na ulaznim vratima, izlozima/portalima ili unutar izloga radnih prostorija, kojim se označava da određeno pravno ili fizičko lice obavlja izvjesnu djelatnost ili zanimanje;

b) sredstva za igre na sreću (bilijar, automati, fliperi, video igre, pikado, aparati za posebne igre na sreću i sl.) podrazumijevaju mehaničke, elektronske ili slične uređaje čije korištenje od jednog ili više učesnika u konačnici donosi mogućnost ostvarenja određenog dobitka;

c) poslovni prostor u kojem se priređuju klasične igre na sreću i posebne igre na sreću podrazumijeva svaki prostor u kojem se organizuju i priređuju klasične igre na sreću i/ili posebne igre na sreću u smislu Zakona o igrama na sreću („Službene novine Federacije BiH”, broj 48/15 i 60/15);

d) držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;

e) isticanje objava, oglasa i saopćenja na javnim mjestima;

f) korištenje prostora na javnim mjestima za kampove (šatore, prikolice, motorna vozila svih kategorija), deponije materijala i drugu privremenu upotrebu;

g) postavljanje uređaja za isplatu i naplatu gotovine (bankomata), podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;

h) postavljanje uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.)

* Odluka je objavljena u „Službenim novinama KS”, broj 27/22 od 7. jula 2022. godine, a stupila je na snagu 2. jula 2022. godine. Odluka je donijeta na osnovu člana 6. Zakona o komunalnim taksama („Službene novine Kantona Sarajevo”, broj 8/22).

podrazumijeva se postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registrovan kao fizička ili pravna osoba.

II. OSNOV I POČETAK NASTANKA OBAVEZE

Član 3.

(Osnov za plaćanje takse)

(1) Na području Općine Novi Grad Sarajevo utvrđuje se i naplaćuje komunalna taksa za:

a) Svaka istaknuta firma podrazumijeva naziv pod kojim posluje pravno ili fizičko lice i to postavljena kao označavanje sjedišta odnosno poslovne jedinice na mjestu poslovanja;

b) Držanje sredstava za igru (bilijar, automati, fliperi, videoigre, pikado, aparati za posebne igre na sreću i sl.) podrazumijeva svaki uređaj kojim se naplaćuje provedeno vrijeme jednog ili više konzumenata takvih uređaja;

c) Poslovni prostor u kojem se priređuju klasične igre na sreću i posebne igre na sreću, podrazumijeva svaki prostor u kojem se priređuju klasične igre na sreću i/ili posebne igre na sreću;

d) Držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;

e) Isticanje objava, oglasa i saopćenja podrazumijeva postavljanje stalnih ili privremenih banera, plakata, panoa, na javnim mjestima u štampanoj ili elektronskoj formi. Ovdje se svakako podrazumijeva reklamiranje brendova, proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;

f) Svako korištenje prostora na mjestima za kampove (šatore, prikolice i motorna vozila svih kategorija) podrazumijeva zauzimanje prostora za privremeni boravak od strane jedne ili više osoba;

g) Postavljanje uređaja za isplatu i naplatu gotovine (bankomata) podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;

h) Postavljanje svi drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i sl.). U ovom slučaju se podrazumijeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registriran kao fizička ili pravna osoba.

(2) Izuzetno od odredbi stava (1) tačke a) ovog člana, taksa se ne plaća za istaknutu firmu čija tabla odnosno oznaka ne prelazi dimenzije 200x300 milimetara.

Član 4.

(Isticanje firme)

1) Pravna ili fizička lica koja obavljaju privrednu djelatnost na osnovu odobrenja nadležnog organa, dužna su na vidnom mjestu svih prostora (sjedište i poslovne jedinice) gdje obavljaju djelatnost, istaknuti naziv firme.

2) Pod nazivom firme se podrazumijeva:

a) naziv firme pod kojim je takseni obveznik registrovan kod nadležnog organa, odnosno naziv poslovne jedinice kada se firma ističe na poslovnoj jedinici,

b) sjedište lica i broj,

3) Firma se ističe najkasnije danom početka obavljanja djelatnosti.

Član 5.

(Početak nastanka obaveze)

1) Taksena obaveza iz člana 3. stav (1) tačka a) ove Odluke nastaje danom izdavanja rje-

šenja o registraciji fizičkog i pravnog lica.

2) Taksena obaveza iz člana 3. stav (1) tački b) do h) ove Odluke nastaje od trenutka otpočinjanja pružanja usluga, korištenja uređaja ili prostora za čije korištenje je ovom odlukom propisano plaćanje komunalne takse.

Član 6.

(Obveznici plaćanja takse)

1) Takseni obveznici su sva pravna i fizička lica registrirana za obavljanje djelatnosti koja posluju na području nadležnosti Općine Novi Grad Sarajevo, odnosno lica koja koriste predmet, prostor ili pružaju usluge za čije korištenje propisano plaćanje takse.

2) Ako za istu taksu postoje dva ili više obveznika, njihova obaveza je solidarna.

III. NAČIN PRIJAVE I NAPLATA

Član 7.

(Podnošenje prijave za razrez taksene obveze)

1) Obveznik plaćanja takse je svako pravno ili fizičko lice koje obavlja djelatnost na osnovu odobrenja nadležnog organa na području Općine odnosno koje ima istaknutu firmu, oznaku, obilježje ili natpis na poslovnim prostorijama i objektima kojim se označava da ista obavljaju djelatnost ili zanimanje u skladu sa pozitivnim zakonskim propisima, kao i posjednik uređaja iz člana 3. stav (1) tač. g) i h) ove odluke.

2) Prijavu za razrez komunalne takse iz člana 3. stav (1) tačke a), b) i g) porezni obveznik je dužan podnijeti Poreznoj upravi, Ispostava Novi Grad Sarajevo (u daljem tekstu: Porezna uprava) do kraja februara tekuće godine, prema stanju na dan 01. januar tekuće godine za koju se razrez vrši, odnosno u roku od 15 dana od datuma izdavanja rješenja o registraciji ukoliko je porezni obveznik registrovao djelatnost u toku poslovne godine.

3) Pravno lice kao obveznik komunalne takse dužan je Poreznoj upravi podnijeti prijavu za komunalnu taksu isključivo elektronski, dok fizička lica mogu i putem Obrasca.

4) Prijavu za razrez komunalne takse iz člana 3. stav (1) tačke c), d) i h) porezni obveznik je dužan podnijeti nadležnoj službi Općine 5 dana prije nastanka taksene obaveze.

5) Ukoliko takseni obveznik vrši prijavu u skladu sa odredbama člana 3. stav (2), dužan je dostaviti Poreznoj upravi ovjerenu izjavu o veličini oznake do 200x300 milimetara.

6) Izuzetno, prijava za razrez takse za 2022. godinu podnosi se do kraja aprila 2022. godine, a prema stanju na dan 01. januar 2022. godine.

7) Ukoliko takseni obveznik u propisanom roku ne podnese prijavu ili dostavi netačne podatke, prijavu takse će izvršiti Porezna uprava u roku od 15 dana nakon isteka zakonskog roka u skladu sa odredbama Zakona o Poreznoj upravi Federacije BiH i podzakonskim aktima.

Član 8.

(Obračun i način plaćanja)

1) Taksa iz člana 3. ove odluke se obračunava i plaća na način iz:

a) Tačke a), b), c), g) i h) - jednom u toku kalendarske godine u roku od 15 dana po isteku roka za prijavljivanje takse;

b) Tačke d), e), i f) po podnošenju prijave nadležnoj Općinskoj službi.

2) Taksa na istaknutu firmu pravne ili fizičke osobe koja je na osnovu rješenja nadležnog organa prestala obavljati djelatnost u toku obračunskog perioda će se obračunati za broj mjeseci i dana u kojima je obavljala djelatnost.

Član 9.

(Otpis takse)

1) U slučaju smrti taksenog obveznika fizičkog lica i trajnog prestanka obavljanja regi-

strovane djelatnosti iza kojeg nije ostala pokretna i nepokretna imovina iz koje bi se mogla naplatiti taksa, Općinsko vijeće na prijedlog Općinskog načelnika otpisuje taksu.

2) Zahtjev za otpis takse Općini Novi Grad Sarajevo podnosi nasljednik taksenog obveznika.

IV. TARIFNI SISTEM

Član 10.

(Zone)

a) EXTRA ZONA:

ULICE: Bulevar Meše Selimovića, Kurta Šorka i Ante Babića

b) I ZONA:

ULICE: Gradačačka, Ilije Engela, Milana Preloga, Antuna Branka Šimića, Žrtava fašizma, Brčanska, Ive Andrića, Bajrama Zenunija, Trg međunarodnog prijateljstva, Trg solidarnosti, Lukavička cesta, Džemala Bijedića, Bulevar branilaca Dobrinje, Alije Kučukalića i Malezijskog-Bosanskog prijateljstva.

c) II ZONA:

ULICE: Aleja Bosne Srebrne, Adija Mulabegovića, Srđana Aleksića, Nerkeza Smailagića, Semira Frašte, Trg ZAVNOBiH-a, Bosanska, Geteova, Trg nezavisnosti, Olimpijska, Trg Barcelone, Hasana Sućeske, Teheranski trg, Safeta Hadžića, Safeta Zajke, Omladinskih radnih brigada, Trg djece Dobrinje, Bulevar Mimara Sinana, Sulejmana Filipovića, Dobrinjske bolnice, Salke Lagumdžije, Esada Pašalića, Hamdije Kapidžića, Nurije Pozderca, Braće Mulić, Ramiza Salčina, Prijedorska, Gatačka, Kraljice Jelene, Prvomajska, Majdanska, Halilovići, Rajlovačka cesta, Adema Buće od 1-102.

d) III ZONA:

Ostale ulice sa područja Općine Novi Grad Sarajevo, a koje nisu obuhvaćene naprijed navedenim zonama.

Član 11.

(Visina komunalne takse)

1) Visina takse se određuje u zavisnosti od zone i koeficijenta veličine pravne osobe ili djelatnosti koju obavljaju fizička lica.

2) Koeficijent veličine pravne osobe u smislu kriterija o razvrstavanju pravnih osoba na osnovu člana 4. Zakona o računovodstvu i reviziji Federacije Bosne i Hercegovine ("Službene novine Federacije BiH", broj 15/21) određen je u tarifnom broju 1 i 7 Tarife takse sa oznakom (KV) - pravne osobe sa posljednjim završnim obračunom kod Finansijsko - informatičke agencije (FIA) Federacije BiH.

Član 12.

(Tarifni brojevi)

Tarifni broj 1.

Obveznik plaćanja takse svako pravno ili fizičko lice (registrirano u nadležnoj općinskoj službi, kod nadležnog ministarstva ili nadležnog suda), koja ima istaknutu firmu, oznaku, obilježje ili natpis na poslovnim prostorijama i objektima, kao i uređaje iz člana 3. stav (1), tački g) i h) ove Odluke koji se označava da ista obavljaju djelatnost ili zanimanje u skladu sa pozitivnim zakonskim propisima.

1) Fizička lica koja obavljaju izvjesnu privrednu djelatnost ili zanimanje, a koja su registrirana u nadležnoj općinskoj službi ili kod nadležnog ministarstva, za svaku istaknutu firmu, oznaku, obilježje ili natpis na poslovnim prostorijama i objektima obračunava se i naplaćuje godišnja taksa na način:

Kanton Sarajevo

R/B R.	FIZIČKA LICA	EKSTRA ZONA	I ZONA	II ZONA	III ZONA
		KM	KM	KM	KM
1.	Nije PDV obveznik	100,00	90,00	80,00	70,00
2.	PDV obveznik	170,00	160,00	150,00	140,00

Obaveznici takse koji obavljaju samostalne djelatnosti obrta i djelatnosti srodnih obrtničkim, a kojima je odobreno plaćanje poreza na dohodak u paušalnom iznosu, obavezni su platiti godišnje, taksu na istaknutu firmu:

- u iznosu od 70% od iznosa utvrđenog za zonu u kojoj posluju obaveznici koji obavljaju obrtničke djelatnosti i djelatnosti koje su srodne obrtničkim, sami bez zapošljavanja drugih lica,

- u iznosu od 30% od iznosa utvrđenog za zonu u kojoj posluju obaveznici koji obavljaju stare i tradicionalne zanate,

- u iznosu od 50% od iznosa utvrđenog za zonu u kojoj posluju obaveznici koji obavljaju prijevoz putnika samo sa jednim sredstvom prevoza,

- u iznosu od 70% od iznosa utvrđenog za zonu u kojoj posluju obaveznici koji obavljaju djelatnost trgovine na malo ličnim radom izvan prodavnice.

1) Pravne osobe za svaku istaknutu firmu, oznaku, obilježje ili natpis na poslovnim prostorijama i objektima, kojima se označava da određena pravna osoba obavlja izvjesnu prirednu djelatnost ili zanimanje obračunava se i naplaćuje godišnja taksa.

Razvrstavanje pravnih osoba će se vršiti u skladu sa Zakonom o računovodstvu i reviziji Federacije Bosne i Hercegovine ("Službene novine Federacije BiH", broj 15/21).

R/B R.	VELIČINA PRAVNE OSOBE	EKSTRA ZONA	I ZONA	II ZONA	III ZONA
		KM	KM	KM	KM
1.	MIKRO				
	a) Nije PDV obveznik	150,00	140,00	130,00	120,00
	b) PDV obveznik	200,00	190,00	180,00	170,00
2.	MALO	900,00	850,00	800,00	750,00
3.	SREDNJE (sjedište)	2.800,00	2.600,00	2.400,00	2.400,00
4.	VELIKO (sjedište)	5.000,00	4.800,00	4.600,00	4.400,00

a) Pravnim licima (srednja i velika) koja na području Općine Novi Grad Sarajevo imaju jednu ili više poslovnica, taksa se razrezuje za svaki poslovni prostor u iznosu od 20% od iznosa utvrđenog za zonu u kojoj obavlja djelatnost,

b) Ako za istu taksu postoje dva ili više obveznika njihova taksa je solidarna.

Tarifni broj 2.

a) Za držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) plaća se komunalna taksa godišnje po jednom sredstvu u iznosu od 400,00 KM;

b) Za držanje sredstava za igru na sreću koja donose novac plaća se taksa godišnje po jednom sredstvu u iznosu od 3.000,00 KM;

c) Poslovni prostor u kojem se priređuju klasične igre na sreću i posebne igre na sreću, priređivač igara na sreću dužan je platiti, godišnje komunalnu taksu u iznosu kako slijedi:

R/B R.	Poslovni prostor u kojem se priređuju klasične i posebne igre na sreću	EKSTRA ZONA	I ZONA	II ZONA	III ZONA
		KM	KM	KM	KM
1.	Iznos takse:	20.000,00	19.000,00	18.000,00	17.000,00

Tarifni broj 3.

- a) Za priređivanje muzike uživo u ugostiteljskim objektima plaća se komunalna taksa dnevno u iznosu od 100,00 KM;
- b) Za priređivanje koncerata, proslava i sl. manifestacija u zatvorenom prostoru plaća se taksa u iznosu od 2,00 KM/m²;
- c) Za priređivanje koncerata, proslava i sl. manifestacija na otvorenom prostoru plaća se taksa u iznosu od 3,00 KM/m²;

Tarifni broj 4.

Za isticanje objava, oglasa plakata, panoa i saopćenja na javnim mjestima određenim za te namjene plaća se jednokratno taksa, i to za:

- a) Seriju do 100 kom. 100,00 KM
- b) Seriju preko 100 kom. 200,00 KM
- c) Postavljanje stalnih panoa i displeja po 1m 10,00 KM.

Tarifni broj 5.

Za postavljanje kampova na javnim mjestima (šatora, prikolica, motornih vozila svih kategorija) deponije materijala i drugu privremenu upotrebu plaća se dnevna taksa:

- a) Za svaki šator 2,00 KM
- b) Za kamp prikolicu 1,00 KM
- c) Za motorno vozilo 1,00 KM

Tarifni broj 6.

Za postavljanje uređaja za isplatu i naplatu gotovine (bankomati i sl.) plaća se taksa godišnje po jednom uređaju u iznosu kako slijedi:

R/B R.	Za svaki uređaj za isplatu i naplatu gotovine (bankomati)	EKSTRA ZONA	I ZONA	II ZONA	III ZONA
		KM	KM	KM	KM
1.	Iznos takse:	1.300,00	1.100,00	800,00	600,00

Tarifni broj 7.

Za postavljanje uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i sl.) plaća se taksa godišnje po jednom uređaju u iznosu 300,00 KM.

Član 13.

(Pripadnost i uplata takse)

Taksa iz člana 3. stav 1. ove Odluke se uplaćuje na Depozitni račun Budžeta Općine Novi Grad Sarajevo, šifra Općine 108, sa naznakom vrste prihoda 722321 i poziv na broj 0000000000 u skladu sa Pravilnikom o načinu uplate javnih Prihoda budžeta i izvanbudžetskih fondova na teritoriji Federacije Bosne i Hercegovine.

Komunalne takse su prihod Općine Novi Grad Sarajevo.

Izuzetno od stava (2) ovog člana općine koje čine Grad Sarajevo i Grad Sarajevo dijele prihod od takse. Općine koje čine Grad Sarajevo i Grad Sarajevo će nakon stupanja na snagu Zakona o komunalnim taksama Kantona Sarajevo posebnim sporazumom utvrditi raspodjelu prihoda po osnovu takse.

V. OSLOBAĐANJE OD PLAĆANJA I POVRAT TAKSE

Član 14.

(Oslobađanje od plaćanja komunalne takse)

- (1) Od plaćanja takse oslobođeni su:

- a) institucije Bosne i Hercegovine,
 - b) organi, organizacije i javne ustanove Federacije Bosne i Hercegovine, Kantona, općina sa područja Kantona Sarajevo i Grada Sarajeva,
 - c) sve crkve i vjerske zajednice koje su upisane u jedinstveni registar za upis crkava i vjerskih zajednica, njihovih saveza i organizacionih oblika u Bosni i Hercegovini koji vodi Ministarstvo pravde Bosne i Hercegovine,
 - d) humanitarne i dobrotvorne organizacije iz osnovne djelatnosti,
 - e) udruženja koja ne obavljaju privrednu djelatnost,
 - f) vojni invalidi od plaćanja takse iz člana 3. stav (1) tačka a) ove odluke,
 - g) lica kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca, ratnih vojnih invalida i civilne žrtve rata,
 - h) privredna društva za zapošljavanje lica sa invaliditetom i zaštitna radionica,
 - i) privredna društva koja se bave poljoprivrednom djelatnošću,
 - j) pravno ili fizičko lice koje prvi put registruje djelatnost na području Općine Novi Grad Sarajevo oslobođeno je plaćanja takse po Tarifnom broju 1. u prvoj godini poslovanja,
- (2) Zahtjev za oslobađanje od plaćanja takse iz stava (1) tačka h) ovog člana podnosi se Poreznoj upravi Federacije Bosne i Hercegovine - Kantonalni porezni ured Sarajevo - Porezna ispostava Novi Grad Sarajevo.

Član 15.

(Povrat pogrešno ili više uplaćene takse)

- 1) Obveznik od kojeg je taksa naplaćena, a koju nije bio dužan platiti ili je više uplatio, ima pravo na povrat.
- 2) Zahtjev za povrat se podnosi Poreznoj upravi koja je nadležna za utvrđivanje takse.
- 3) Porezna uprava je dužna da u roku od 20 (dvadeset) dana od dana prijema zahtjeva odluči o zahtjevu.

Član 16.

(Nadzor i kontrola prijave)

- 1) Nadzor i kontrola prijave, obračuna i plaćanja općinske komunalne takse vrši Porezna uprava u saradnji sa Službom za privredu i lokalni ekonomski razvoj.
- 2) Obavezuje se Porezna uprava da u roku od 15 dana od dana isteka roka dostavi nadležnoj službi Općine Novi Grad Sarajevo izvještaj o poreznim obveznicima koji su izvršili prijavu takse.
- 3) Porezna uprava će Službi za privredu i lokalni ekonomski razvoj Općine Novi Grad Sarajevo redovno (dva puta u toku kalendarske godine do 31. jula i do 31. januara) dostavljati evidencije o realizaciji izvršenih uplaćivanja taksenih obveznika.

Član 17.

(Započeti neokončani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, biće okončani prema odredbama ove Odluke o komunalnim taksama.

Član 18.

(Prestanak važenja ranijih propisa)

Stupanjem na snagu ove Odluke prestaju važiti: Odluka o visini komunalnih taksa ("Službene novine Kantona Sarajevo", broj 1/13), Odluka o izmjenama i dopunama Odluke o visini komunalnih taksa ("Službene novine Kantona Sarajevo", broj 2/14), Odluka o izmjenama i dopunama Odluke o visini komunalnih taksa ("Službene novine Kantona Sarajevo", broj

6/18), i Odluka o izmjenama i dopunama Odluke o visini komunalnih taksa ("Službene novine Kantona Sarajevo", broj 2/19).

Član 19.

(Primjena zakonskih odredbi)

Na sva pitanja koja nisu regulisana ovom odlukom primjenjuju se odredbe Zakona o komunalnim taksama Kantona Sarajevo.

Član 20.

(Stvarno nadležni organi za provođenje ove Odluke)

Ovu Odluku provodi Porezna uprava, Služba za finansije, Služba za privredu i lokalni ekonomski razvoj i Služba za inspeksijske poslove Općine Novi Grad Sarajevo, svaka u okviru svojih nadležnosti.

Član 21.

(Stupanje na snagu)

Ova Odluka stupa na snagu narednog dana od dana donošenja, a naknadno će se objaviti u "Službenim novinama Kantona Sarajevo".

ODLUKA O UTVRĐIVANJU OSNOVICA, STOPA I NAČINU OBRAČUNAVANJA I UPLATE DOPRINOSA ZA OBAVEZNO ZDRAVSTVENO OSIGURANJE NA PODRUČJU TUZLANSKOG KANTONA*

(„Službene novine TK”, broj 14/22)

Član 1.

(Predmet Odluke)

Ovom odlukom utvrđuju se osnovica, stopa i način obračunavanja doprinosa za obavezno zdravstveno osiguranje za osigurana lica iz Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11 i 36/18, u daljem tekstu: Zakon), a koja nisu utvrđena Zakonom o doprinosima („Službene novine Federacije BiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19 i 4/21), te se bliže određuju obveznici doprinosa za obavezno zdravstveno osiguranje, u smislu člana 86. Zakona.

Član 2.

(Doprinosi)

Doprinosi iz člana 1. ove odluke su prihod Zavoda zdravstvenog osiguranja Tuzlanskog kantona (u daljem tekstu: Zavod), a obračunavaju se i plaćaju iz izvora koje osiguravaju obveznici definisani ovom odlukom.

Član 3.

(Obveznici doprinosa)

(1) Obveznici obračuna i uplate doprinosa iz člana 2. ove odluke su zavodi, fondovi, organi uprave i druga pravna ili fizička lica određena Zakonom i ovom odlukom.

(2) Obveznik obračuna i uplate doprinosa iz stava (1) ovog člana je:

a) nadležni nosilac penzijskog i invalidskog osiguranja - isplatilac penzije za državljane Bosne i Hercegovine koji imaju prebivalište na području Tuzlanskog kantona;

b) kantonalna služba za zapošljavanje za lica koja su prijavljena kod nadležne službe za zapošljavanje u zakonom predviđenim rokovima, i to:

1) nezaposlena lica koja su prijavljena zavodu za zapošljavanje u rokovima utvrđenim Zakonom,

2) djeca koja su navršila 15 godina života, odnosno stariji maloljetnici do 18 godina života, a nisu završila osnovno školovanje ili se po završetku osnovnog školovanja nisu zaposlila,

3) lica koja su prema propisima o školovanju izgubila status učenika, odnosno redovnog studenta ili su prekinula redovno školovanje, za zdravstvenu zaštitu u trajanju od jedne godine od dana prekida školovanja;

* Odluka je objavljena u „Službenim novinama TK”, broj 14/22 od 25. jula 2022. godine, a stupila je na snagu 2. avgusta 2022. godine.
Stupanjem na snagu ove odluke, prestaje primjena Odluke na strani 472 Priručnika.

c) organ uprave kantona nadležan za poslove socijalne i dječije zaštite za:

- 1) djecu od rođenja do polaska u osnovnu školu, ako nisu osigurana po drugom osnovu,
- 2) lica nakon navršenih 65 godina života, ako nisu osigurana po drugom osnovu,
- 3) lica civilne žrtve rata, ako nisu osigurana po drugom osnovu,
- 4) lica smještena u ustanove socijalne zaštite i lica koja primaju stalnu novčanu pomoć, ako nisu osigurana po drugom osnovu;

d) organ uprave Kantona nadležan za obrazovanje za:

- 1) učenike i studente, ako nisu osigurani po drugom osnovu,
- 2) učenike odnosno studente koji vrše praktičan rad u vezi s nastavom;

e) organ uprave Kantona nadležan za boračku zaštitu, za lica koja ostvaruju pravo na zdravstveno osiguranje u skladu sa odredbama Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10, 95/13, 60/16 i 90/17), Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, br. 70/05, 61/06, 9/10, 14/13 i 90/17), Zakona o pravima demobilisanih branilaca i članova njihovih porodica („Službene novine Federacije BiH“, broj: 54/19), Odluke o posebnim pravima nosilaca „Partizanske spomenice 1941“ i članova njihove porodice („Službene novine Federacije BiH“, broj: 6/06) i/ili Zakona o dopunskim pravima branilaca i članova njihovih porodica - drugi prečišćeni tekst („Službene novine Tuzlanskog kantona“, broj: 10/20), ako to pravo ne mogu ostvariti po drugom osnovu;

f) organ uprave Kantona nadležan za povratak i raseljena lica, za lica kojima je priznat status raseljenog lica, ako nisu osigurana po drugom osnovu;

g) organ uprave Kantona, odnosno jedinice lokalne samouprave u Tuzlanskom kantonu za:

- 1) socijalno ugrožena lica koja nisu osigurana po drugom osnovu,
- 2) druga lica osigurana u određenim okolnostima koja nisu osigurana po drugom osnovu:
 - lica koja učestvuju u organizovanim javnim radovima na teritoriji Federacije,
 - lica koja ispunjavaju obavezu učestvovanja u civilnoj zaštiti ili obavezu učestvovanja u službi osmatranja i obavještanja,
 - lica koja kao članovi operativnih sastava dobrovoljnih vatrogasnih organizacija vrše dužnosti po propisima o zaštiti od požara;

h) nadležni organ uprave Federacije BiH za učenike i studente vojnih i policijskih škola i akademija, ako nisu osigurani po drugom osnovu;

i) autorske agencije, udruženja građana, druga profesionalna udruženja i sportski savez odnosno organizatori sportskih i drugih javnih priredaba - za učesnike u tim priredbama odnosno za članove svojih udruženja koji se bave profesionalnom i drugom djelatnošću odnosno preko kojih ostvaruju prihod, kao i za vrhunske sportiste koji su kao takvi rangirani od Olimpijskog komiteta ili udruženja sportista na nivou Federacije, ako nisu osigurani po drugom osnovu;

j) lica koje se prijavljuje na lično obavezno zdravstveno osiguranje jer mu zdravstvena zaštita nije osigurana po drugom osnovu, a ima sredstva za izdržavanje;

k) lica koje je vlasnik privatnog preduzeća sa sjedištem na području Tuzlanskog kantona, ako nije obavezno osiguran po drugom osnovu;

l) strani državljanin i lica bez državljanstva kojima je odobren boravak u Federaciji BiH na području Tuzlanskog kantona, a koji nisu obuhvaćeni međunarodnim ugovorima o socijalnom osiguranju;

m) lica koje je vjerski službenik, a ne zasniva radni odnos i kojem se ne isplaćuje plata.

Član 4.

(Osnovice doprinosa)

Osnovice doprinosa na koje obveznici obračuna i uplate doprinosa iz člana 3. ove odluke

plaćaju doprinos su:

a) iznos penzije odnosno naknade iz penzijskog i invalidskog osiguranja, s tim da osnovica ne može biti niža od iznosa najniže penzije utvrđene za korisnike penzija na teritoriji Federacije BiH - za lica koja penziju ostvaruju od domaćeg nosioca penzijskog i invalidskog osiguranja;

b) 40% prosječne mjesečne bruto plate isplaćene na području Federacije BiH prema posljednjem objavljenom podatku Federalnog zavoda za statistiku – za lica koja na zdravstveno osiguranje prijavljuje služba za zapošljavanje;

c) 40% prosječne mjesečne bruto plate isplaćene na području Federacije BiH prema posljednjem objavljenom podatku Federalnog zavoda za statistiku - za lica koja na zdravstveno osiguranje prijavljuje nadležni organ Federacije, kantona i jedinice lokalne samouprave u skladu sa članom 3. stav (2) tačke od c) do h) ove odluke;

d) 40% prosječne mjesečne bruto plate isplaćene na području Federacije BiH u periodu od I-IX mjeseci prethodne godine, prema podacima Federalnog zavoda za statistiku – za lica koja na zdravstveno osiguranje prijavljuje obveznik u skladu sa članom 3. stav (2) tačke od i) do m) ove odluke.

Član 5.

(Stope doprinosa)

Stope doprinosa na osnovice utvrđene članom 4. ove odluke su:

a) po stopi utvrđenoj odlukom Vlade Federacije BiH - za tačku a);

b) 1,75% - za tačku b);

c) 2,30% - za tačku c) i

d) 12 % - za tačku d).

Član 6.

(Obračun, uplata doprinosa i nadzor)

(1) Doprinosi za obavezno zdravstveno osiguranje definisani ovom odlukom su mjesečni doprinosi i dospijevaju na naplatu do kraja tekućeg mjeseca za prethodni mjesec.

(2) Obračun i uplatu doprinosa vrše obveznici iz člana 3. ove odluke na depozitni račun Zavoda sa naznakom vrste prihoda propisanom važećim Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine.

(3) Nadzor nad pravilnošću obračuna i uplate doprinosa iz ove odluke vrši Zavod, izuzev za doprinose čiji su obveznici iz člana 3. stav (2) tačke i), j), k), l) i m), za koje je nadležna Porezna uprava Federacije BiH.

(4) Na iznos doprinosa za obavezno zdravstveno osiguranje, koji nisu uplaćeni u propisanom roku, obračunava se i plaća kamata u skladu sa važećim Zakonom o visini stope zatezne kamate na javne prihode.

Član 7.

(Prestanak važenja)

Danom stupanja na snagu ove odluke prestaje da važi Odluka o utvrđivanju osnovica, stope i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, br. 1/10, 9/12, 4/14, 16/14, 7/15, 17/15 i 5/16).

Član 8.

(Stupanje na snagu)

Ova odluka stupa na snagu osmog dana od dana objavljivanja u „Službenim novinama Tuzlanskog kantona“.

IZVOD IZ ZAKONA O ŠUMAMA*

(“Službene novine TK”, br. 7/17, 8/20, 3/21 i 14/22)

XIV - FINANSIRANJE

Član 47.

(Izvori namjenskih sredstava)

(1) Radi ostvarivanja opšteg interesa i dugoročnih ciljeva održivog gospodarenja šumama utvrđenih šumsko-privrednim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i ruralni razvoj.

(2) Sredstva iz stava (1) ovog člana, obezbjeđuju se iz naknada:

a) za obavljanje stručnih poslova u privatnim šumama iz člana 32. stavovi (2) i (5) ovog zakona;

b) za korišćenje državnih šuma iz člana 35. ovog zakona;

c) za izdvajanje šuma iz šumsko-privrednog područja iz člana 39. stav (3) ovog zakona;

d) za krčenje šume iz člana 40. stav (6) ovog zakona;

e) od zakupa državnih šuma iz člana 42. stav (2) ovog zakona;

f) po osnovu prava služnosti iz člana 43. stav (3) ovog zakona;

Ranija tačka g) brisana (“Službene novine TK”, broj 14/22);

g) ostalih izvora u skladu sa ovim zakonom i drugih izvora.

(3) Sredstva iz stava (2) ovog člana predstavljaju namjenska sredstva i uplaćuju se u Budžet Kantona, izuzev sredstava utvrđenih članom 48. stav (1) tačka b) ovog zakona.

(4) Ministar donosi uputstvo o načinu obračunavanja, rokovima i postupku plaćanja naknada propisanih ovim zakonom, i uplatnim računima na koje se usmjeravaju sredstva, kao i o obliku i sadržaju obrasca za obračun naknada iz stava (2) **tačke b)** ovog člana (*izmjena 14/22*).

(5) Ministar, na prijedlog Kantonalne uprave, donosi odluku o iznosu naknade iz stava (2) tačka a) ovog člana.

Član 48.

(Uplata naknade za korišćenje državnih šuma)

(1) Naknada za korišćenje državnih šuma iz člana 35. ovog zakona obračunava se od prihoda od drveta računajući cijenu drveta na panju i prihoda ostvarenog od nedrvnih šumskih proizvoda i uplaćuje se u korist računa javnih prihoda Budžeta Kantona koju kantonalni trezor raspoređuje u sledećem omjeru:

a) 2,0% od osnovice, odnosno 28,5714% od iznosa uplate, na račun Budžeta Kantona,

b) 5,0% od osnovice, odnosno 71,4286% od iznosa uplate, na račune opština/grada gdje

* Zakon je objavljen u “Službenim novinama TK”, broj 7/17 od 10. maja 2017. godine, stupio je na snagu 10. maja 2017. godine. Izmjene i dopune Zakona su objavljene u “Službenim novinama TK”, broj 8/20 od 1. juna 2020. godine, stupile su na snagu 1. juna 2020. godine, 3/21 od 5. marta 2021. godine, stupile su na snagu 6. marta 2021. godine i 14/22 od 25. jula 2022. godine, stupile su na snagu 2. avgusta 2022. godine, a primjenjuju se od 1. januara 2023. godine.

Izmjenom člana 47. gdje je brisana tačka g) u stavu (2) koja glasi „za opštekorisne funkcije šuma iz člana 49. stav (1) ovog zakona” i brisanjem člana 49. (Naknada za opštekorisne funkcije šuma) Zakona ukida se od 1. januara 2023. godine naknada za opštekorisne funkcije šuma koja se plaćala u visini od 0,04% od ukupno ostvarenog prihoda tromjesečno i po završnom godišnjem računovodstvenom izvještaju u korist računa Budžeta Kantona.

se nalazi šuma u kojoj je izvršena sječa.

(2) Naknada iz stava (1) ovog člana uplaćuje se po ostvarenom prihodu, tromjesečno i po završnom godišnjem računovodstvenom izvještaju.

(3) Kontrolu obračuna i uplate naknade iz stava (1) ovog člana vrši šumarski inspektor.

(4) Ako obveznik plaćanja naknade ne obračuna ili ne uplati naknadu iz stava (1) ovog člana na način propisan u stavu (1) ovog člana, šumarski inspektor koji je izvršio kontrolu uplate sredstava, po pravosnažnosti i izvršnosti rješenja o uplati sredstava koje je ispostavio obvezniku, podnosi nadležnom sudu prijedlog za prinudno izvršenje ove novčane obaveze.

Član 49.

(Naknada za opštekorisne funkcije šuma)

Brisan ("Službene novine TK", broj 14/22).

Član 50.

(Korišćenje namjenskih sredstava koja su prihod Kantona i budžetskih sredstava)

(1) Iz namjenskih sredstava Budžeta Kantona prikupljenih po osnovu člana 47. stav (2) ovog zakona, finansiraju se sledeći poslovi:

a) rad čuvarske službe;

b) izrada i revizija kantonalnog šumsko-razvojnog plana;

c) izrada šumsko-privrednih osnova **i privremenih godišnjih planova gospodarenja** za privatne šume i nadzor nad prikupljanjem podataka za izradu šumsko-privrednih osnova za državne i privatne šume (*izmjena 8/20*);

d) biološka obnova šuma u obimu većem od predviđenog šumsko-privrednom osnovom;

e) obnova šuma od posljedica elementarnih nepogoda, prenamnoženja insekata, požara i slično;

f) unapređenje proizvodnje šumskog reproduktivnog materijala;

g) gospodarenje šumama koje su od vitalnog interesa u skladu sa članom 17. stav (3) ovog zakona;

h) organizovanje specijalističkih kurseva iz oblasti šumarstva;

i) očuvanje i unapređenje bioraznolikosti šumskih ekosistema;

j) očuvanje i unapređenje genofonda, rijetkih i ugroženih vrsta šumskog drveća;

k) naučna istraživanja i stručne analize;

l) izgradnja i održavanje šumskih puteva;

m) druge namjene za unapređenje **šumarstva i lovstva** (*izmjena 8/20*).

(2) Finansijska sredstva za realizaciju poslova iz stava (1) ovog člana, ukoliko nisu obezbijedena iz namjenskih sredstava koja su prihod Kantona, obezbjeđuju se u Budžetu Kantona za svaku kalendarsku godinu u visini do 1,5% vrijednosti poreskih prihoda godišnjeg Budžeta Kantona (*izmjena 14/22*).

(3) Sredstva iz stava (1) i (2) ovog člana troše se po Programu utroška sredstava, koji na prijedlog Kantonalne uprave donosi ministar, a na koji saglasnost daje Vlada Kantona (*izmjena 14/22*).

Član 51.

(Raspolaganje sredstvima koja su prihod opština/ grada)

Sredstvima iz člana 48. ovog zakona opštine/grad mogu slobodno raspolagati, u okviru svoje nadležnosti.

**UPUTSTVO
O STAVLJANJU VAN SNAGE UPUTSTVA O POSTUPKU
OBRADJE ZAHTJEVA ZA POVRAT ISPLAĆENE
NAKNADE PATE ZA VRIJEME PRIVREMENE
SPRIJEČENOSTI ZA RAD***

(“Službene novine TK”, broj 10/22)

Član 1.

Ovim uputstvom stavlja se van snage Uputstvo o postupku obrade zahtjeva za povrat isplaćene naknade plate za vrijeme privremene spriječenosti za rad („Službene novine Tuzlanskog kantona“, br. 15/14, 17/14, 4/15).

Član 2.

Ovo uputstvo stupa na snagu danom donošenja i biće objavljeno u „Službenim novinama Tuzlanskog kantona“.

* Uputstvo je objavljeno u “Službenim novinama TK”, broj 10/22 od 20. maja 2022. godine, a stupilo je na snagu 29. aprila 2022. godine.
Danom stupanja na snagu ovog uputstva, prestaje primjena Uputstva na strani 462 Priručnika.

SREDNJOBOSANSKI KANTON

PRAVILNIK O NAČINU I POSTUPKU OSTVARIVANJA PRAVA NA NAKNADU PLAĆE ZA VRIJEME PRIVREMENE SPRIJEČENOSTI ZA RAD OSIGURANIKA ZAVODA ZA ZDRAVSTVENO OSIGURANJE SREDNJOBOSANSKOG KANTONA*

(“Službene novine SBK”, br. 2/16, 12/19, 3/22 i 4/22)

Član 1.

(Uvodne odredbe)

Ovim pravilnikom se utvrđuju visina naknade plaće te uvjeti, način i postupak ostvarivanja prava na naknadu plaće za vrijeme privremene spriječenosti za rad zbog bolesti ili povrede, ako se ta naknada isplaćuje na teret sredstava Zavoda za zdravstveno osiguranje Srednjobosanskog kantona (u daljnjem tekstu: Zavod).

Član 2.

(Pravo na naknadu)

Pravo na naknadu plaće iz člana 1. ovoga pravilnika ostvaruje osiguranik koji je privremeno spriječen za rad zbog bolesti ili povrede ako je privremena spriječenost za rad utvrđena pod uvjetima i na način utvrđen kantonalnim Zakonom o zdravstvenom osiguranju (u daljnjem tekstu: Zakon), Pravilnikom o postupku i kriterijima za utvrđivanje privremene spriječenosti za rad zbog bolesti, povrede ili drugih okolnosti (“Službene novine Federacije Bosne i Hercegovine”, broj 3/17) i ovim pravilnikom (*izmjena 12/19*).

Član 3.

(Osnovice za obračunavanje naknade plaće)

Osnovica za obračunavanje naknade plaće za vrijeme privremene spriječenosti za rad utvrđuje se u skladu sa stavom 2. člana 36. Zakona o radu (“Službene novine Federacije Bosne i Hercegovine”, br. 26/16 i 89/18) (*izmjena 12/19*).

Osnovicu za obračunavanje naknade plaće čini osiguranikova neto plaća za mjesec koji prethodi mjesecu u kojem je nastupila privremena spriječenost za rad.

Raniji stav 3. brisan (“Službene novine SBK”, br. 3/22 i 4/22).

Osnovica za obračunavanje naknade plaće za vrijeme privremene spriječenosti za rad utvrđuje se kao satna.

Osnovica za obračunavanje naknade plaće osiguranika koji je istovremeno i obveznik uplate doprinosa (od samostalne djelatnosti) jeste osnovica na koju je obračunavao i uplaćivao

* Pravilnik je objavljen u “Službenim novinama SBK”, broj 2/16 od 23. februara 2016. godine, stupio je na snagu 2. marta 2016. godine, a primjenjuje se od 1. marta 2016. godine. Izmjene Pravilnika su objavljene u “Službenim novinama SBK”, broj 12/19 od 29. novembra 2019. godine, stupile su na snagu 7. decembra 2019. godine, 3/22 od 31. marta 2022. godine, stupile su na snagu 8. aprila 2022. godine i 4/22 od 10. maja 2022. godine, a stupile su na snagu 18. maja 2022. godine. Pravilnik je donijet na osnovu stava 5. člana 45., stava 3. člana 46., stava 3. člana 56. i alineje 11. stava 1. člana 98. Zakona o zdravstvenom osiguranju te alineje 2. stava 1. člana 19. Statuta Zavoda za zdravstveno osiguranje Srednjobosanskog kantona.

doprinos za obavezno osiguranje umanjena za zakonom propisane doprinose iz osnovice.

Ako osiguranik nije ostvario plaću u mjesecu koji prethodi mjesecu u kojem je nastupila privremena spriječenost, osnovica za obračunavanje naknade plaće čini prosječna plaća na nivou Srednjobosanskog kantona (u daljnjem tekstu: Kanton) za odgovarajući mjesec.

Ako je osiguraniku ponovno otvoreno bolovanje a prije nego što je ostvario punu plaću, kao osnovica za obračunavanje naknade plaće uzima se netoplaća iz mjeseca koji je prethodio privremenoj spriječenosti za rad uopće.

Član 4.

(Valorizacija osnovice)

Utvrđena osnovica za obračunavanje naknade plaće se valorizira ako je osiguranik dulje od tri mjeseca neprekidno privremeno spriječen za rad i ako je prosječna plaća kod pravnog ili fizičkog lica kod kojeg je osiguranik zaposlen porasla za više od 5%.

Valorizirana osnovica za obračunavanje naknade plaće pripada osiguraniku od prvog dana idućega mjeseca nakon isteka tri mjeseca neprekidnog korištenja naknade plaće, ako je ispunjen uvjet za povećanje naknade.

Član 5.

(Visina naknade plaće)

Naknada plaće se obračunava u visini od 80% od osnovice za obračunavanje naknade plaće u slučaju privremene spriječenosti za rad ako ta naknada tereti sredstva obaveznog zdravstvenog osiguranja, osim u slučajevima predviđenim članom 46. Zakona, kada naknada plaće iznosi 100% od osnovice za obračunavanje naknade plaće, i to:

- za vrijeme privremene spriječenosti za rad zbog bolesti i komplikacija prouzrokovanih trudnoćom i porođajem;

- za vrijeme privremene spriječenosti za rad zbog transplantacije živoga tkiva i organa u korist druge osobe.

Član 6.

(Najviši iznos naknade plaće)

Najviši iznos naknade koja se isplaćuje na teret sredstava obaveznog zdravstvenog osiguranja Zavoda utvrđuje se u visini od 80% dvostrukog iznosa prosječne netoplaće u Federaciji Bosne i Hercegovine (u daljnjem tekstu: Federacija), utvrđene za period od januara do septembra prethodne kalendarske godine.

Član 7.

(Najniži iznos naknade plaće)

Najniži iznos naknade plaće koja se isplaćuje na teret sredstava obaveznog zdravstvenog osiguranja Zavoda ne može biti niži od iznosa najniže netoplaće **utvrđene odlukom o iznosu najniže plaće i drugim zakonskim propisima** (izmjena 3/22).

Raniji stav 2. brisan ("Službene novine SBK", broj 3/22).

Član 8.

(Obveznik obračunavanja i isplaćivanja naknade plaće)

Naknadu plaće osiguraniku, od prvog dana privremene spriječenosti za rad pa sve dok ta spriječenost traje, obračunava i isplaćuje pravno, odnosno fizičko lice kod kojeg je osiguranik zaposlen.

Povrat isplaćene naknade iz stava 1. ovoga člana obavlja Zavod u zakonskim rokovima od dana podnošenja zahtjeva za povrat, s kompletnom dokumentacijom propisanom članom 10. ovoga pravilnika.

Član 9.

(Mjesto podnošenja zahtjeva)

Zahtjev za povrat isplaćene naknade plaće poslodavac predaje u poslovnicu Zavoda prema mjestu sjedišta obveznika uplate doprinosa ako je obveznik s područja Kantona.

Ako obveznik uplate doprinosa ima sjedište van područja Kantona, zahtjev za povrat isplaćene naknade plaće predaje u poslovnicu Zavoda prema mjestu prebivališta osiguranika.

Član 10.

(Prilozi uz zahtjev za povrat naknade plaće)

Uz zahtjev za povrat naknade plaće podnosilac je obavezan priložiti sljedeću dokumentaciju:

- zahtjev (tiskanica R1);
- original doznaku (tiskanica Izvještaj o privremenoj spriječenosti za rad);
- nalaz i ocjenu:

a) nalaz, ocjenu i mišljenje prvostepene liječničke komisije u svakom slučaju kada je bolovanje dulje od 42 dana,

b) nalaz i ocjenu izabranog liječnika za prvih 42 dana ako su stanja iz tačaka 3., 4. i 5. stava 1. člana 41. Zakona (tiskanica NO1),

c) nalaz i ocjenu izabranog liječnika ako su stanja iz člana 10. Pravilnika o postupku i kriterijima za utvrđivanje privremene spriječenosti za rad zbog bolesti, povrede ili drugih okolnosti ("Službene novine Federacije Bosne i Hercegovine", broj 66/12);

- ovjerenu platnu listu (obračun plaće) za mjesec koji prethodi mjesecu u kojem je nastupila privremena spriječenost za rad, odnosno, za samostalnoga poduzetnika, specifikaciju uz uplatu doprinosa poduzetnika za mjesec koji prethodi mjesecu u kojem je nastupila privremena spriječenost za rad (tiskanica 2002);

- ovjerenu tiskanicu MIP 1023, odnosno ovjeren izvod iz tiskanice MIP 1023 koji se odnosi na zaposlenika koji je na bolovanju, za mjesec za koji se podnosi zahtjev;

- ovjerenu platnu listu za mjesec za koji se podnosi zahtjev, odnosno, za samostalnoga poduzetnika, specifikaciju uz uplatu doprinosa poduzetnika (tiskanica 2002), za mjesec za koji se podnosi zahtjev;

- izjava samostalnoga obveznika koji nema zaposlenih radnika da tokom privremene spriječenosti za rad ne obavlja registrovanu djelatnost;

- valorizacija i dokaz o valorizaciji ako je valorizacija obavljena.

Član 11.

(Rok za podnošenje zahtjeva za naknadu plaće)

Brisan ("Službene novine SBK", broj 12/19).

Član 12.

(Povrat naknade plaće)

Povrat isplaćene naknade plaće iz člana 8. ovoga pravilnika obaviti će se uplatom sredstava na račun podnosioca zahtjeva (*izmjena 12/19*).

Član 13.

(Donošenje rješenja o pravu na naknadu plaće)

O podnesenom zahtjevu iz člana 10. ovoga pravilnika Zavod rješava bez donošenja formalnog rješenja.

Zavod je obavezan donijeti rješenje isključivo ako podnosilac podnese zahtjev za donošenje rješenja o pravu na povrat naknade plaće (*izmjena 12/19*).

Član 14.

(Donošenje uputstva)

Postupak obrade zahtjeva za povrat naknade plaće za vrijeme privremene spriječenosti za rad u poslovnica Zavoda uredit će se posebnim uputstvom koji će donijeti **direktor** Zavoda i **zamjenik** direktora Zavoda (*izmjena 12/19*).

Član 15.

(Sredstva za povrat isplaćenih naknada plaće)

Sredstva u finansijskom planu Zavoda za zdravstveno osiguranje Srednjobosanskog kantona planirana za povrat isplaćenih naknada plaća, odnosno za isplatu naknade plaće mogu se koristiti samo u slučaju i pod uvjetima utvrđenim Zakonom i ovim pravilnikom.

Član 16.

(Prijelazne odredbe)

Ovaj pravilnik stupa na snagu osmoga dana od dana objave u "Službenim novinama Srednjobosanskog kantona", a primjenjivat će se od 1. marta 2016. godine. Primjenom ovoga pravilnika prestaje se primjenjivati Pravilnik o načinu i postupku ostvarivanja prava na naknadu plaće za vrijeme privremene spriječenosti za rad osiguranika Zavoda za zdravstveno osiguranje Srednjobosanskog kantona, broj: 05-4-81/11 od 23. marta 2011., i Pravilnik o izmjeni Pravilnika o načinu i postupku ostvarivanja prava na naknadu plaće za vrijeme privremene spriječenosti za rad osiguranika Zavoda za zdravstveno osiguranje Srednjobosanskog kantona, broj: 05-4-123/13 od 26. aprila 2013.

ZAKON O IZMJENI ZAKONA O POREZU NA DOHODAK*

(„Službeni glasnik RS”, broj 56/22)

Član 1.

U Zakonu o porezu na dohodak („Službeni glasnik Republike Srpske“, br. 60/15, 5/16, 66/18, 105/19, 123/20, 49/21 i 119/21) u članu 8. u stavu 2. u tački 11) riječi: „4,5 KM“ zamjenjuju se riječima: „0,75% prosječne neto plate u Republici za prethodnu godinu prema posljednjem podatku Republičkog zavoda za statistiku“.

Član 2.

Ovaj zakon stupa na snagu osmog dana od dana objavljivanja u „Službenom glasniku Republike Srpske“.

* Zakon je objavljen u „Službenom glasniku RS”, broj 56/22 od 14. juna 2022. godine, a stupio je na snagu 22. juna 2022. godine.

ZAKON O IZMJENI I DOPUNAMA ZAKONA O DOPRINOSIMA*

(„Službeni glasnik RS”, broj 56/22)

Član 1.

U Zakonu o doprinosima („Službeni glasnik Republike Srpske“, br. 114/17, 112/19, 49/21 i 119/21) u članu 3. u stavu 1. u tački 5) riječi: „rad ili“ brišu se.

U tački 12) poslije riječi: „Službenom glasniku Republike Srpske“ dodaju se zapeta i nova tačka 13), koja glasi:

„13) lica koja su zaposlena kod poslodavca sa sjedištem u Republici Srpskoj, prijavljena u Jedinствeni sistem registracije, kontrole i naplate doprinosa i od strane tog poslodavca upućena na rad u inostranstvo, dok traje upućivanje.“

Član 2.

Poslije člana 16. dodaje se novi član 16a, koji glasi:

„Član 16a.

Osnovica doprinosa za lica iz člana 3. stav 1. tačka 13) ovog zakona je najniža plata u Republici koja je utvrđena za mjesec za koji se doprinosi obračunavaju.“

Član 3.

Ovaj zakon stupa na snagu osmog dana od dana objavljivanja u „Službenom glasniku Republike Srpske“.

* Zakon je objavljen u „Službenom glasniku RS”, broj 56/22 od 14. juna 2022. godine, a stupio je na snagu 22. juna 2022. godine.

PRAVILNIK O SADRŽAJU PISMENOG OBRAČUNA PLATE*

(“Službeni glasnik RS”, br. 18/22 i 65/22)

Član 1.

Ovim pravilnikom propisuje se sadržaj pismenog obračuna plate, naknade plate i drugih primanja radnika.

Član 2.

Pismeni obračun plate, naknade plate i drugih primanja radnika sadrži:

1) podatke o poslodavcu:

1. poslovno ime poslodavca,
2. adresu i sjedište poslodavca,
3. jedinstveni identifikacioni broj poslodavca (JIB poslodavca),
4. naziv banke i broj računa poslodavca;

2) podatke o radniku:

1. ime i prezime radnika,

Ranije tač. 2. i 3. brisane (“Službeni glasnik RS”, broj 65/22),

2. naziv radnog mjesta,

3. godine radnog staža,

4. naziv banke i broj računa na koji se isplaćuje plata, odnosno naknada plate;

3) podatke o periodu na koji se odnosi obračun plate: mjesec, odnosno period na koji se odnosi obračun plate, odnosno naknada plate;

4) podatke potrebne za obračun plate i naknade plate, kao i doprinosa za obavezne vidove osiguranja i poreza u skladu sa zakonom, kao i iznos plate, odnosno naknade plate;

- 5) rok određen za isplatu plate, odnosno naknadu plate;

- 6) način dostavljanja pismenog obračuna plate;

- 7) potpis ovlašćenog lica i pečat poslodavca.

Član 3.

Podaci iz člana 2. tačka 4) ovog pravilnika sadrže:

1) ostvarene časove rada, odnosno druge podatke od kojih zavisi iznos plate:

1. časove redovnog rada prema rasporedu radnog vremena,

2. časove rada na dan praznika i u druge dane u koje se po zakonu ne radi,

3. časove noćnog rada,

4. časove prekovremenog rada,

5. časove dežurstva,

6. druge časove rada u skladu sa zakonom, kolektivnim ugovorom, opštim aktom i ugovorom o radu;

2) časove pripravnosti;

3) časove za koje radnik ostvaruje pravo na naknadu plate sa posebno iskazanim časovima: godišnjeg odmora, privremene spriječenosti za rad, praznika i u druge dane u koje se po zakonu

* Pravilnik je objavljen u “Službenom glasniku RS”, broj 18/22 od 3. marta 2022. godine, a stupio je na snagu 11. marta 2022. godine. Izmjene Pravilnika su objavljene u “Službenom glasniku RS”, broj 65/22 od 8. jula 2022. godine, a stupile su na snagu 16. jula 2022. godine.

ne radi, plaćenog odsustva, porodijskog odsustva, odsustva sa rada do kojeg je došlo bez krivice radnika, udaljenja sa rada zbog nepoštovanja radne discipline i povrede radne obaveze;

4) časove za koje radnik ne prima naknadu - s posebno iskazanim časovima neplaćenog odsustva ili neopravdanih izostanaka;

5) iznos plate i naknade plate, a to podrazumijeva:

1. bruto platu i naknadu plate,

2. neto platu i naknadu plate,

3. osnovnu platu:

- koeficijent i cijenu rada,

- druge elemente utvrđene kolektivnim ugovorom i ugovorom o radu,

4. uvećanje plate:

- po osnovu radnog staža radnika,

- po osnovu prekovremenog rada,

- po osnovu noćnog rada,

- po osnovu rada na radnom mjestu sa otežanim uslovima rada,

- po osnovu radnog učinka,

- po osnovu rada praznikom i drugim danima u koje se po zakonu ne radi,

- druga uvećanja propisana kolektivnim ugovorom, opštim aktom i ugovorom o radu,

5. druga primanja po osnovu rada:

- naknadu troškova prevoza kod dolaska na posao i povratka s posla,

- naknadu za povećane troškove boravka za vrijeme rada na terenu,

- troškove toplog obroka,

- druga primanja utvrđena zakonom, kolektivnim ugovorom, opštim aktom i ugovorom o radu,

6. vrstu, stopu i iznos doprinosa za obavezna osiguranja na platu, odnosno naknadu plate koje je poslodavac dužan da obračuna i uplati u ime i u korist radnika, i to za:

- penzijsko i invalidsko osiguranje,

- zdravstveno osiguranje,

- osiguranje od nezaposlenosti,

- dječju zaštitu,

7. stopu poreza, iznos osnovnog ličnog odbitka i odbitka po osnovu poreske kartice, osnovicu za plaćanje poreza na platu i iznos poreza na dohodak,

8. uplatu u dobrovoljni penzijski fond,

9. iznos i vrstu obustave,

10. ukupan iznos za isplatu.

Član 4.

(1) Pismeni obračun plate sa podacima iz čl. 2. i 3. ovog pravilnika iskazuje se na obrascu, koji se nalazi u **Prilogu 1.** ovog pravilnika i čini njegov sastavni dio (*izmjena 65/22*).

(2) Izuzetno od stava 1. ovog člana, poslodavac u pismenom obračunu plate ne navodi podatke kojih nije bilo u datom obračunskom periodu.

(3) Obrazac iz stava 1. ovog člana može se dostaviti radniku u materijalnom ili elektronskom obliku.

(4) Ukoliko se obrazac iz stava 1. ovog člana dostavlja radniku u elektronskom obliku, poslodavac će na zahtjev radnika obrazac potpisati, ovjeriti i uručiti radniku.

Član 5.

Ovaj pravilnik stupa na snagu osmog dana od dana objavljivanja u "Službenom glasniku Republike Srpske".

ОБРАЗАЦ ПИСМЕНОГ ОБРАЧУНА ПЛАТЕ

I ПОДАЦИ О ПОСЛОДАВЦУ		II ПОДАЦИ О РАДНИКУ	
1.	Пословно име	1.	Име и презиме
2.	Адреса и сједиште	2.	Назив радног мјеста
3.	ЛИБ	3.	Коефицијент
4.	Назив банке	4.	Цијена рада
	Број рачуна	5.	Други елементи за обрачун основне плате утврђени колективним уговором и уговором о раду
		6.	Основна плата
		7.	Године радног стажа
		8.	Основни лични одбитак
		9.	Укупан лични одбитак по основу пореске картице:
		9.1.	за издржаване чланове уже породице
		9.2.	за камате плаћене на стамбени кредит
		9.3.	за уплаћене премије животног осигурања
		10.	Назив банке
			Број рачуна
		11.	E-mail

III ПОДАЦИ О ПЕРИОДУ НА КОЈИ СЕ ОДНОСИ ОБРАЧУН:					
Година		Мјесец		Дани	Од: До:
IV ОБРАЧУН ПЛАТЕ И НАКНАДЕ ПЛАТЕ:					
Редни бр.	Опис	Часови	Основица	Стопа (%)	Износ
1.	Редовни рад				
2.	Накнаде плате са посебно исказаним основом:				
2.1	годишњи одмор				
2.2	привремена спријеченост за рад				
2.3	празник и други дани у које се по закону не ради				
2.4	плаћено одсуство				
2.5	породиљско одсуство				
2.6	одсуство са рада до којег је дошло без кривице радника				
2.7	удаљења са рада због непоштовања радне дисциплине и повреде радне обавезе				
3.	Увећање плате по основу:				
3.1	радног стажа				
3.2	прековременог рада				
3.3	ноћног рада				
3.4	рада на радном мјесту са отежаним условима рада				
3.5	радног учинка				
3.6	рада празником и у друге дане у које се по закону не ради				
3.7	друга увећања прописана колективним уговором, општим актом и уговором о раду				
4.	Друга примања по основу рада:				
4.1	накнада трошкова превоза код доласка на посао и повратка с посла				
4.2	накнада за повећане трошкове боравка за вријеме боравка на терену				
4.3	трошкови топлог obroка				
4.4	друга примања утврђена законом, колективним уговором, општим актом и уговором о раду (дежурства, приправност и друго)				
5.	Бруто плата и накнада плате				
6.	Доприноси за обавезно осигурање (укупно):				
6.1	допринос за пензијско и инвалидско осигурање				
6.2	допринос за здравствено осигурање				
6.3	допринос за осигурање од незапослености				
6.4	допринос за осигурање за дјечију заштиту				
7.	Порез на доходак				
8.	Уплата у добровољни пензијски фонд				
9.	Нето плата и накнада плате				
10.	Посебан допринос				
11.	Обуставе				
12.	Укупан износ за исплату				
V РОК ОДРЕЂЕН ЗА ИСПЛАТУ ПЛАТЕ И НАКНАДЕ ПЛАТЕ:					
VI НАЧИН ДОСТАВЉАЊА ПИСМЕНОГ ОБРАЧУНА ПЛАТЕ:					
Материјални облик:		<input type="checkbox"/>	Електронски облик:		<input type="checkbox"/>
Потпис овлашћеног лица:			Печат послодавца:		

**PRAVILNIK
O IZMJENAMA PRAVILNIKA O OSTVARIVANJU
PRAVA NA NAKNADU PLATE ZA VRIJEME
PRIVREMENE NESPOSOBNOSTI ZA RAD***

(”Službeni glasnik RS”, broj 99/22)

Član 1.

U Pravilniku o ostvarivanju prava na naknadu plate za vrijeme privremene nesposobnosti za rad (”Službeni glasnik Republike Srpske”, broj 14/22) u članu 6. stav 3. mijenja se i glasi:

“(3) Prvostepenu komisiju za ocjenu privremene nesposobnosti za rad čine tri člana sa visokom stručnom spremom, od kojih je najmanje jedan doktor medicine odgovarajuće specijalnosti (opšta medicina, porodična medicina, medicina rada, medicina sporta, ginekologija i akušerstvo, interna medicina, opšta hirurgija, ortopedija, neuropsihijatrija, neurologija, psihijatrija, fizikalna medicina i rehabilitacija, urologija, pneumoftiziologija i pedijatrija)”.

Član 2.

U članu 33. stav 2. mijenja se i glasi:

“(2) Zahtjev iz stava 1. ovog člana poslodavac podnosi na obrascu koji se nalazi u Prilogu broj 7. i čini sastavni dio ovog pravilnika. Poslodavac je obavezan da unese sve tražene podatke, a zahtjev Fond dostavlja nadležnoj prvostepenoj komisiji koja poziva osiguranika na vanrednu ocjenu privremene nesposobnosti za rad”.

Član 3.

Ovaj pravilnik stupa na snagu osmog dana od dana objavljivanja u ”Službenom glasniku Republike Srpske”.

* Pravilnik je objavljen u ”Službenom glasniku RS”, broj 99/22 od 10. oktobra 2022. godine, a stupio je na snagu 10. oktobra 2022. godine.

ZAKON O IZMJENAMA I DOPUNI ZAKONA O POREZU NA DOHODAK

(„Službeni glasnik BD BiH”, broj 21/22)

Član 1

U Zakonu o porezu na dohodak (Službeni glasnik Brčko distrikta Bosne i Hercegovine brojevi: 60/10, 14/17 i 24/20) u članu 11 stavu 2 alineja 6) mijenja se i glasi:

„6) topli obrok iznad iznosa od 7,00 KM (sedam konvertibilnih maraka) za svaki dan koji je zaposlenik proveo na radu.“

Član 2

(1) U članu 25 stav 1 mijenja se i glasi:

„(1) Osnovni lični odbitak rezidentnog poreznog obveznika iznosi 14.400,00 KM (četrnaest hiljada četiri stotine konvertibilnih maraka) na godišnjem nivou, odnosno 1.200,00 KM (hiljadu dvije stotine konvertibilnih maraka) mjesečno.“

(2) U članu 25 stav 8 mijenja se i glasi:

„(8) Rezidentni porezni obveznik može lični odbitak uvećati za uplaćene premije za životno osiguranje koje ima karakter štednje u iznosu do 1.800,00 KM (hiljadu osam stotina konvertibilnih maraka) na godišnjem nivou.“

Član 3

U članu 45 iza stava 1 dodaje se novi stav 2 koji glasi:

„(2) Direkcija je dužna u roku od 60 dana od dana stupanja na snagu ovog zakona izvršiti usklađivanje podzakonskih akata s odredbama ovog zakona.“

(2) Dosadašnji stavovi 2 i 3 postaju stavovi 3 i 4.

Član 4

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine, a primjenjivat će se od 1. avgusta 2022. godine.

* Zakon je objavljen u „Službenom glasniku BD BiH”, broj 21/22 od 23. juna 2022. godine, stupio je na snagu 1. jula 2022. godine, a primjenjuje se od 1. avgusta 2022. godine.

IZVOD IZ ZAKONA O IGRAMA NA SREĆU BRČKO DISTRIKTA BiH*

(“Službeni glasnik BD BiH”, br. 6/22 i 24/22)

POGLAVLJE IX. POREZ NA DOBITAK OD IGARA NA SREĆU

Član 106

(Osnovica za oporezivanje)

(1) Obveznik poreza na dobitak od igara na sreću jeste svaki igrač koji ostvari dobitak od lutrijskih igara na sreću i igara u kasinu.

(2) Dobitak od igara u kasinu je svaki prihod koji igrač može ostvariti u novcu, robi, uslugama ili pravima bez obzira na visinu uložene vrijednosti.

(3) Osnovica poreza na dobitak od igara na sreću jeste svaki pojedinačni dobitak iz stava 1 ovog člana.

(4) Priređivač igara u kasinu uplaćuje porez na dobitak od igara u kasinu koji ostvari fizičko lice, prema sjedištu priređivača.

(5) Poslovnica entitetske lutrije uplaćuje porez na dobitak od lutrijskih igara prema mjestu prebivališta igrača koji je ostvario dobitak (izmjena 24/22).

(6) Za dobitak koji se sastoji od stvari odnosno prava, osnovica poreza je tržišna vrijednost stvari odnosno prava u momentu ostvarivanja dobitka.

Član 107

(Iznos poreza na dobitke)

(1) Porez na dobitak kod lutrijskih igara na sreću je proporcionalan i iznosi 10% (deset posto) od osnovice koju čini svaki pojedinačni dio dobitka koji prelazi iznos od 100,00 KM.

(2) Porez na dobitak kod lutrijskih igara na sreću obračunava priređivač i odbija od svakog dobitka prije isplate ostatka dobitka igraču (izmjena 24/22).

(3) Porez na dobitak kod igara u kasinu, po stopi od 25% (dvadeset pet posto) obračunava priređivač i odbija ga od svakog dobitka prije isplate ostatka dobitka igraču.

Član 108

(Evidentiranje i plaćanje poreza)

(1) Priređivač igara u kasinu dužan je porez na dobitak evidentirati u svojim poslovnim knjigama i prijaviti Poreznoj upravi najkasnije do desetog u tekućem mjesecu za prethodni mjesec.

(2) Priređivač igara u kasinu porez na dobitak plaća do desetog u tekućem mjesecu za prethodni mjesec na Jedinstveni račun Trezora Distrikta.

(3) Poslovnica entitetske lutrije, za dobitak koji prelazi iznos od 100,00 KM, dužna je evidentirati porez u svojim poslovnim knjigama.

(4) Poslovnica entitetske lutrije porez iz stava 3 ovog člana prijavljuje Poreznoj upravi najkasnije do desetog u tekućem mjesecu za prethodni mjesec.

(5) Porez na dobitak iz stava 1 i stava 4 ovog člana prijavljuje se na obrascu, koji se uređuje Pravilnikom iz člana 13 Zakona (izmjena 24/22).

* Zakon je objavljen u “Službenom glasniku BD BiH”, broj 6/22 od 25. februara 2022. godine, a stupio je na snagu 1. jula 2022. godine. Izmjene i dopune Zakona su objavljene u “Službenom glasniku BD BiH”, broj 24/22 od 22. jula 2022. godine, a stupile su na snagu 30. jula 2022. godine.

ODLUKA O NAJVIŠEM I NAJNIŽEM IZNOSU NAKNADE PLATE*

(“Službeni glasnik BD BiH”, br. 5/22 i 29/22)

Član 1

Ovom odlukom utvrđuje se najviši i najniži iznos naknade plate za vrijeme privremene spriječenosti za rad osiguranika Fonda zdravstvenog osiguranja Brčko distrikta BiH, u trajanju dužem od 42 dana, za 2022. godinu.

Član 2

Najviši iznos naknade plate koju Fond zdravstvenog osiguranja Brčko distrikta BiH refundira poslodavcu za svakog zaposlenika, za vrijeme privremene spriječenosti za rad, u trajanju dužem od 42 dana, utvrđuje se u iznosu od 1.000,00 KM.

Član 3

Najniži iznos naknade plate utvrđuje se u visini najniže plate na koju se plaćaju doprinosi na obavezno osiguranje u entitetima Bosne i Hercegovine, umanjene za doprinose i poreze iz plate prema propisima Brčko distrikta Bosne i Hercegovine (izmjena 29/22).

Član 4

Iznosi utvrđeni ovom odlukom su parametri za obračunavanje novčanih naknada u skladu s Poglavljem b) Novčane naknade (članovi od 32 do 39) Zakona o zdravstvenom osiguranju Brčko distrikta BiH.

Član 5

Ova odluka slupa na snagu danom donošenja, a primjenjuje se od 01. 01. 2022. godine.

Član 6

Ova odluka se objavljuje u Službenom glasniku Brčko distrikta BiH.

* Odluka je objavljena u “Službenom glasniku BD BiH”, broj 5/22 od 11. februara 2022. godine, stupila je na snagu 17. decembra 2021. godine, a primjenjuje se od 1. januara 2022. godine. Izmjena Odluke je objavljena u “Službenom glasniku BD BiH”, broj 29/22 od 7. septembra 2022. godine, stupila je na snagu 23. avgusta 2022. godine, a primjenjuje se od 1. septembra 2022.

**PRAVILNIK
O IZMJENAMA PRAVILNIKA O NAČINU UPLATE,
PRIPADNOSTI I RASPODJELE JAVNIH PRIHODA U
FEDERACIJI BOSNE I HERCEGOVINE**

(“Službene novine FBiH”, broj 57/22)

1. U Pravilniku o načinu uplate, pripadnosti i raspodjele javnih prihoda u Federaciji Bosne i Hercegovine ("Službene novine Federacije BiH", br. 54/20, 55/20 - isp, 63/20, 88/20, 28/21, 56/21, 83/21, 1/22 i 34/22) u tački 12.1.3. Računi budžeta jedinica lokalne samouprave, u tabelarnom pregledu, pod rednim brojem 13. Gračanica, naziv banke "UniCredit Bank d.d." zamjenjuje se nazivom: "ASA Banka Naša i snažna d.d. Sarajevo", a broj računa: "338-620-2226941-185" zamjenjuje se brojem "140-102-0310000-732".

Pod rednim brojem 21. Živinice, naziv banke "Sberbank BH d.d." zamjenjuje se nazivom: "ASA Banka Naša i snažna d.d. Sarajevo".

2. U tački 12.1.4. Računi zavoda za zdravstveno osiguranje, kod Zapadnohercegovački kanton, naziv banke: "Addiko Bank d.d." zamjenjuje se nazivom: "ASA Banka Naša i snažna d.d. Sarajevo", a broj računa "306-003-0000648-268" zamjenjuje se brojem "140-102-1110000-375".

3. Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

* Pravilnik je objavljen u "Službenim novinama Federacije BiH", broj 57/22 od 20. jula 2022. godine, a stupio je na snagu 21. jula 2022. godine.
Prerna tome, u primjeni Pravilnika na strani 905, treba uzeti u obzir sadržaj ovih dopuna.

**PRAVILNIK
O IZMJENAMA PRAVILNIKA O NAČINU UPLATE,
PRIPADNOSTI I RASPODJELE JAVNIH PRIHODA U
FEDERACIJI BOSNE I HERCEGOVINE**

(“Službene novine FBiH”, broj 76/22)

1. U Pravilniku o načinu uplate, pripadnosti i raspodjele javnih prihoda u Federaciji Bosne i Hercegovine (“Službene novine Federacije BiH”, br. 54/20, 55/20 -isp, 63/20, 88/20, 28/21, 56/21, 83/21, 1/22, 34/22 i 57/22) u tački 12.1.3. Računi budžeta jedinica lokalne samouprave, u tabelarnom pregledu, pod rednim brojem 8. Velika Kladuša, naziv banke "UniCredit Bank d.d." zamjenjuje se nazivom: "MF Banka a.d. Banja Luka", a broj računa: "338-000-2211423-047" zamjenjuje se brojem: "572-496-0000056-066".

Pod rednim brojem 38. Pale-Prača, naziv banke "Union banka d.d." zamjenjuje se nazivom: "Privredna banka Sarajevo d.d.", a broj računa: "102-007-0000018-886" zamjenjuje se brojem: "101-1400078109-024".

2. U tački 12.1.4. Računi zavoda za zdravstveno osiguranje, kod Zavod zdravstvenog osiguranja i reosiguranja Federacije BiH, naziv banke: "Union banka d.d." zamjenjuje se nazivom: "ASA Banka Naša i snažna d.d. Sarajevo", a broj računa: "102-050-0000064-018" zamjenjuje se brojem: "140-102-1110000-860".

Kod Bosansko-podrinjski kanton, naziv banke: "Privredna banka Sarajevo d.d." zamjenjuje se nazivom: "ASA Banka d.d.", a broj računa: "101-140-0073252-719" zamjenjuje se brojem: "134-620-1008266-897".

Kod Srednjobosanski kanton, naziv banke: "UniCredit Bank d.d." zamjenjuje se nazivom: "ASA Banka d.d.", a broj računa: "338-000-2210030-709" zamjenjuje se brojem: "134-481-1008243-153".

3. U tački 12.1.8. Računi upravitelja cesta, kod Unsko-sanski kanton, naziv banke: "Union banka d.d." zamjenjuje se nazivom: "Sparkasse Bank d.d.", a broj računa: "102-022-0000055-884" zamjenjuje se brojem: "199-457-0003046-031".

4. Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

* Pravilnik je objavljen u "Službenim novinama Federacije BiH", broj 76/22 od 23. septembra 2022. godine, a stupio je na snagu 24. septembra 2022. godine.
Prerna tome, u primjeni Pravilnika na strani 905, treba uzeti u obzir sadržaj ovih dopuna.

PREGLED IZNOSA PROSJEČNE BRUTO I NETO PLATE I DRUGIH NAKNADA ZA 2022. GODINU U FEDERACIJI BiH

Iznosi su u KM

Red. br.	Broj "Sl. novina FBiH"	Period	Za mjesec	PLATE			TOPLI OBROK		REGRES ZA GODIŠNJI ODMOR
				Prosječna mjesečna bruto plata	Prosječna mjesečna neto plata	Prosječna neto plata za prethodna tri mjeseca	Najniži iznos prema Opštem kolektivnom ugovoru od 3.10.2016. (kolona 6 x 1% dnevno)	Najviši iznos porezivi iznos toplog obroka od 3.10.2016. (kolona 6 x 1% dnevno)	
1	2	3	4	5	6	7	8	9	10
1.	22/22	23.03. - 21.04.2022.	Januar 2022.	1.614	1.045	1.038	5,22	10,45	519
2.	31/22	22.04. - 18.05.2022.	Februar	1.614	1.046	1.046	5,23	10,46	523
3.	37/22	19.05. - 21.06.2022.	Mart	1.694	1.096	1.062	5,48	10,96	531
4.	49/22	22.06. - 19.07.2022.	April	1.667	1.080	1.074	5,40	10,80	537
5.	57/22	20.07. - 18.08.2022.	Maj	1.714	1.110	1.095	5,55	11,10	547,50
6.	66/22	19.08. - 20.09.2022.	Juni	1.723	1.115	1.102	5,57	11,15	551
7.	75/22	21.09. - 18.10.2022.	Juli	1.735	1.122	1.116	5,61	11,22	558
8.	83/22	19.10.2022.	Av gust	1.761	1.138	1.125	5,69	11,38	562,50

Neoporezivi iznos dnevnice za službena putovanja u zemlji prema članu 20. stav 2. Pravilnika o primjeni Zakona o porezu na dohodak, a na osnovu Uredbe o naknadama troškova za službena putovanja ("Službene novine Federacije BiH", br. 44/16 i 50/16) iznosi 25 KM.

Iznos toplog obroka za zaposlenike u institucijama BiH propisan je Odlukom o visini novčane naknade zaposlenim u institucijama BiH za ishranu tokom rada ("Službeni glasnik BiH", br. 42/12, 28/19 i 60/22) i od 1. septembra 2022. godine iznosi 11 KM.

UPOREDNI PREGLED PROSJEČNE BRUTO I NETO PLATE U FEDERACIJI BiH, REPUBLICI SRPSKOJ I BOSNI I HERCEGOVINI

Iznosi su u KM

R. br.	FEDERACIJA BiH			REPUBLIKA SRPSKA			BOSNA I HERCEGOVINA			BRČKO DISTRIKT BiH						
	Broj "Sl. novina FBIH"	Za mjesec	Prosječna mjesečna bruto plata	Broj "Sl. glasnik RS"	Za mjesec	Prosječna mjesečna bruto plata	Broj "Sl. glasnik BiH"	Za mjesec	Prosječna mjesečna bruto plata	Broj "Sl. glasnik BDBiH"	Za mjesec	Prosječna mjesečna bruto plata				
1	2	3	4	5	6	7	8	9	10	11	12	13	14	15	16	17
1.	22/22	2022.	1.614	1.045	19/22	2022.	1.591	1.042	15/22	2022.	1.605	1.043		2022.	1.524,67	989,79
2.	31/22	Februar	1.614	1.046	25/22	Februar	1.647	1.091	25/22	Februar	1.622	1.059		Februar	1.531,70	994,10
3.	37/22	Mart	1.694	1.096	37/22	Mart	1.642	1.091	33/22	Mart	1.674	1.092		Mart	1.551,09	1.006,84
4.	49/22	April	1.667	1.080	48/22	April	1.649	1.094	41/22	April	1.658	1.083		April	1.558,72	1.011,11
5.	57/22	Maj	1.714	1.110	61/22	Maj	1.667	1.105	50/22	Maj	1.696	1.106		Maj	1.576,30	1.022,76
6.	66/22	Juni	1.723	1.115	72/22	Juni	1.749	1.157	57/22	Juni	1.728	1.126		Juni	1.586,25	1.030,78
7.	75/22	Juli	1.735	1.122	82/22	Juli	1.753	1.160	64/22	Juli	1.739	1.134		Juli		
8.	83/22	August	1.761	1.138	96/22	August	1.762	1.166		August	1.757	1.145		August		

Najniža plata u Federaciji BiH određena je Uredbom o metodologiji izračuna i usklađivanja najniže plate ("Službene novine FBiH", broj 106/21) i Odlukom o iznosu najniže plate za 2022. godinu ("Službene novine FBiH", br. 3/22), tj. od 1. januara 2022. godine iznosi 543,00 KM, a najniža plata u Republici Srpskoj propisana je Odlukom o najnižoj plati za 2022. godinu ("Službeni glasnik RS", br. 1/22 i 45/22) od 1. maja 2022. godine iznosi 650,00 KM. Osnovica za obračun plate zaposlenim u institucijama Bosne i Hercegovine za 2022. godinu propisana je Odlukom o visini osnovice za obračun plate zaposlenim u institucijama BiH za 2022. godinu ("Službeni glasnik BiH", broj 23/22) i iznosi 535,00 KM, a primjenjivaće se od narednog mjeseca od dana usvajanja budžeta za 2022. godinu.